

四庫全書

經部

欽定四庫全書

毛詩集解卷二十

宋 段昌武 撰

谷風之什

谷風刺幽王也天下俗薄朋友道絕焉

劉曰天子之於天下無他職也厚其人倫皇建厥極人君之所以夙夜也是故朋友道絕則琢磨之義不行琢磨之義不行則人不會其有極而歸其有極矣

於是君得以遂其不君臣得以遂其不臣父得以遂其不父子得以遂其不子兄得以遂其不兄弟得以遂其不弟夫得以遂其不夫婦得以遂其不婦皆由琢磨之義不行而習以成俗莫知以為耻也乃至人倫悖亂亡國喪身而不可救天下俗薄而朋友道絕非天子之職歟其曰刺之不亦宜哉

呂曰急則相求緩則相棄恩厚

不知怨小必記皆小人之交也天下俗薄朋友道絕則莫非小人之交

習習谷風維風及雨將恐

丘勇反

將懼維予與女音汝將安

將樂

洛音女轉棄子

毛曰興也 鄭曰習習和調之貌東風謂之谷風將

且也 孔曰谷風生長之風取其朋友相長益也

毛曰風雨相感朋友相須

鄭曰風而有雨則潤澤行孔曰潤澤是雨之事但

雨得風乃行則潤澤亦由風故易曰潤之以風雨是風雨共為潤也 東萊曰朋友之義出於天其相求

本非以利害也故窮達若一不知其義則利害而已耳離合安可常哉 玩習習谷風維風及雨之辭其義

蓋可識也

丘曰在危難恐懼則相親愛曰維予與女謂與己

厚也 孔曰纔得且安且樂汝便轉更棄我乎 毛

曰言朋友趨利窮達相棄

鄭曰棄恩忘舊薄之甚

習習谷風維風及頽

徒雷反

將恐將懼寘

之豉反

予于懷將

安將樂棄予如遺

毛曰頽風之焚輪者也

孔曰釋文云焚輪謂之頽扶搖謂之焱孫炎曰迴風從上

下曰頽迴風從下上曰焱焱必遠反

鄭曰寘置也

毛曰風薄相扶而

上喻朋友相須而成

孔曰頽風從上而下力薄不能更升谷風與相遇二風并力乃

相扶而上以喻朋友相率而成也

東萊曰叔向見

司馬侯之子撫而泣之曰自此其父之死吾蔑與比

而事君矣昔者此其父始之我終之我始之夫子終之無不可所謂維風及頽此其一端也王曰風之

扇物則因其勢而相高朋
友相汲引則德義相高

鄭曰寘我於懷言至親已

也如遺者如人行道遺忘物忽然不省存也

習習谷風維山崔

徂回反

嵬

五回反

無草不死無木不萎

於危

反忘我大德思我小怨

毛曰崔嵬山巔也雖盛夏萬物茂壯草木無有不死

葉萎枝者

孔曰長物之盛莫過夏時不能無小萎死者

鄭曰喻朋友安能

不時有小訟

孔曰良朋成就之德雖大然無能使色不有忿者無能使辭不有訟者

朱

曰習習谷風維山崔嵬言其所被者廣然猶無不死

之草無不萎之木況於友朋豈可以忘大德而思小

怨乎

劉曰天地之功有所不足奈何忘我大德思我小怨乎

呂曰生物之恩及于崔嵬之山不知

以為德一草一木偶然死絕則怨其恩之不足此忘

我大德思我小怨也

鄭曰大德切磋以道相成之

也謂

谷風三章章六句

蓼

音義

五河反

刺幽王也民人勞苦孝子不得終養

余亮反

爾

朱曰晉王裒以父死非罪每讀詩至哀哀父母生我

劬勞未嘗不三復流涕受業者為廢此篇詩之感人
也如此 李曰凱風母不安其室之詩也小弁太子
見棄之詩也蓼莪孝子不得終養之詩也故其咎責
怨慕哀痛如此苟不為母所棄不為父所逐不困於
行役而得終養則其歡欣可知矣觀詩者當以此類
求之

蓼蓼者莪匪莪伊蒿

呼毛反

哀哀父母生我劬勞

毛曰興也蓼蓼長大也莪蘿蒿也蒿藔也 歐陽曰

周人苦于勞役不得養其父母者見彼蓼蓼然長大者非莠即蒿皆草木之微者其茂盛如此由天地生育之功也思我之生也父母養我者亦劬勞矣而我不得終養以報也 東萊曰莠蒿不能報天地之生育猶人子不能報父母之劬勞也孟郊詩云誰言寸草心報得三春暉 李曰昔謂之為莠而今非莠也特蒿而已莠美菜也蒿賤草也以比父母生我以為美材可賴以終其身而今乃不得其養以死

蘇曰猶采莠者

得蒿於是言父母生我之劬勞而重自哀傷也曹

曰爾雅曰莪蘿注云蓋蒿之叢生者也又曰蒿藋

去反

反注云今人呼為青蒿香中災啖蓋蒿之特生者也
又曰蔚牡蒿蓋蒿之無子者也莪本叢生蓼蓼然長
茂猶民之父母俱存兄弟無故骨肉團聚之時甚可
樂也今乃變而為特生之蒿故曰匪莪伊蒿猶之可
也征役既久不得從其室家以有子息了然無嗣尤
所苦也故曰匪莪伊蔚

蓼蓼者莪匪莪伊蔚哀哀父母生我勞瘁

似醉反

毛曰蔚牡蒿

去反

也

陸云牡蒿也三月始生七月華華似胡麻華而紫赤八月為角

角似小豆角銳而長一名馬新蒿

鄭曰瘁病也

餅

蒲丁反

之罄矣維壘

音雷

之恥鮮民之生不如死之久矣

無父何怙無母何恃出則銜恤入則靡至

毛曰餅小而壘大

孔曰壘形似壺大者受一斛

罄盡也鮮寡也

鄭曰恤憂靡無也

朱曰言餅資於壘而壘資餅猶

父母與子相依為命也故餅之罄矣乃壘之耻猶父

母不得其所乃子之責所以窮獨之民生不如死也

王曰餅譬則民也壘譬則君也餅之罄則壘之耻民之窮則君之羞

呂曰鮮猶窮獨之

義

曹曰以無怙恃故謂之鮮民言其薄德而寡祐也

言窮獨而從役其生不

如死也

孔曰所以然者以無父何所依怙無母何

所倚恃

劉曰出則銜無窮之恤

曾曰入則靡至

無所歸役也

曹曰孝子出必告反必面今出而無所告故銜恤上堂入室而不見故靡至也

父兮生我母兮鞠我拊

音撫我畜

喜反

我長我育我顧我

復我出入腹我欲報之德昊天罔極

毛曰鞠養也

孔曰拊拊循也

劉曰防其驚也則拊之

朱曰畜

亦養也

鄭曰育覆育也

孔曰謂其寒暑或身體

顧

旋視也

孔曰謂去之而反顧也

復反覆也

丘曰顧旋視復反覆不能暫捨也

腹

懷抱也

孔曰謂置之於懷抱

父兮生我者本其氣也

李曰拊我育我而下皆重複言生育之恩也

王曰

出入腹我雖至於壯大尚然也

朱曰父母之恩如

此欲報之以德而父母之恩如天之無窮不知所以

為報也

南山烈烈飄

避遙反

風發發民莫不穀我獨何害

王曰南山之氣烈烈

丘曰烈烈氣之寒

毛曰發

發疾貌

鄭曰穀養也

蘇曰虐政之病人如大寒

之視南山而聞飄風

歐陽曰南山烈烈望之可畏

也飄風發發暴急而中人也

鄭曰民人自若見役視南山則烈烈然飄風發

發然寒且疾也

朱曰民莫不善而我獨何為遭此害也哉

曹曰周民皆然而乃云民莫不穀者勞苦之民身受

其害自以為夫人而不若耳

南山律律飄風弗弗民莫不穀我獨不卒

王曰南山之勢律律蓋萃

子恤反

律音律

之謂也毛曰

律律猶烈烈也弗弗猶發發也

陳曰弗弗動貌

鄭曰卒終也

我獨不得終養父母重自哀傷也

蓼莪六章四章章四句二章章八句

大東刺亂也東國困於役而傷於財譚大夫作是詩以告病焉

孔曰譚國在京師之東

杜氏左傳注譚國在濟南平陵縣西南

有饒

音蒙簋

音軌殮

音孫有棊

音蚪棘

必履反

周道如砥

之履反

其

直如矢君子所履小人所視

音卷

瞻之潛

所為反

焉出

涕

音體

毛白興也饒滿簋貌殮熟食謂黍稷也

孔曰禮之通例皆簋盛稻

梁簋盛黍稷

棊長貌匕所以載鼎實棘赤心也

孔曰雜記云匕用桑

長三尺謂喪祭也吉禮用棘鼎實煮肉也煮肉必實之於鼎必載之者以古之祭祀享食必體解其肉之

脾既大故須以匕載之謂出之於鼎升之於俎棘木赤心

孔曰砥謂礪石言其平

也禹貢曰礪砥砮

音奴

丹矢則言其直君子小人在位

與民庶也 毛曰睠反顧也潜涕下貌 蘇曰思先

王之世諸侯富足其簋之殮饌然其鼎之匕掾然曰

言有饌然滿者簋中黍稷之殮也
有掾然長者棘木載內之匕也

歐陽曰周道平直

而賦役均

曹曰什一而稅所謂平也
捐上益下所謂直也

李曰在位之君子

則履而行之在下之小人則瞻而視之

陳曰周道平直賦役均調

而易供君子苟有所履行其國之小人視而從之故君子不勞小人易治

鄭曰此事在乎

前世過而去矣從今顧視之為之出涕傷今不如古

也

小東大東杼

直呂反

袖

音逐

其空糾糾葛屨可以履霜佻佻

徒彫反

公子行彼周行

戶郎反

既往既來使我心疚

音救

蘇曰自周視諸侯皆東也

曹曰是時周都於雍在西所取於諸侯之國皆為東

矣後世有以關西為橫關東為從言東則所舉者廣矣

孔曰杼持緯者也

說文曰盛緯器

董曰袖卷織者

朱曰袖受經者也曹曰用梭以行緯用袖以卷織

毛曰空

盡也 董曰糾糾䟽貌

鄭曰葛屨夏屨也

曹曰凡屨冬皮

而夏葛糾糾則弊而糾之又糾其窻甚矣

朱曰佻輕薄不耐勞苦之貌

毛曰行即道也周行周之道路

朱曰周行大路也

鄭曰疚病

也賦斂小亦於東大亦於東 蘇曰小大皆取於東

東人之杼柚空矣

董曰譚為東方小國土地之出麻絲其重也

歐陽曰至

於窮乏以葛屨而履霜 王曰公子不宜服役今公

子行彼周之道則餘人可知矣

曹曰小司徒凡國之大事致民大故致餘

子說者謂大事者戎事也則名聚百姓大故曰災冠也則名聚卿大夫之餘子守於王宮皆國中之事耳

朱曰奔走往來不勝其勞使我心憂而病也

有洌

音軌

泉無浸穫薪契契

苦計反

寤歎哀我憚

丁佐反

人薪是穫薪尚可載也哀我憚人亦可息也

毛曰冽寒意也側出曰沆泉獲艾也契契憂苦也憚
勞也 鄭曰尚庶幾也 朱曰載載以歸也 歐陽
曰此告病之辭也 孔曰冽冽寒氣之沆泉無得浸
漬我所穫之樵薪以浸之則濕腐不中用也譚大夫
契契憂苦而寤寐之中嗟哀憐我譚國勞苦之民極
斂之則困病也 蘇曰薪已艾矣而復浸之則腐民
已勞矣而復事之則病 曹曰懼薪之腐敗者猶將
載而徙之知民之窮瘁者亦可息而安之也

東人之子職勞不來

音賚

西人之子粲粲衣服舟人之子

熊羆是裘私人之子百僚

力彫反

是試

朱曰東人諸侯之人也

鄭曰職主也

朱曰職專主也

毛曰

來勤也

孔曰來勤釋詁文以不被勞來為不見勤故采薇序曰杖杜以勤歸即是勞來也

人京師人也

曹曰敢指宗周為西人而自稱東人以敵之無尊君畏上之心矣自此而後降

為國風于以見王室之不競也

粲粲鮮盛也舟人舟楫之人 孔曰

私人皂隸之屬私居家之小人也

毛曰試用也

鄭曰東人勞苦而不見謂勤

孔曰東國之子主為勞苦盡財以供王賦而曾

不見謂以為勤以譚人
空竭為常不愧之也

歐陽曰周人方事侈富潔其

衣服以相誇至於操舟之賤亦衣熊羆之裘而私家

之人皆備百官而祿食

王曰私人之子試於百僚則是絕功臣之世棄賢者之類

害賤者用事而貴也

朱曰此言賦役不均羣小得志也

或以其酒不以其漿鞞鞞

胡犬反

佩璲不以其長維天

有漢監

古襲反

亦有光跂

丘鼓反

彼織女終日七襄

毛曰鞞鞞玉貌璲瑞也

鄭曰佩璲者以瑞玉為佩後漢輿服志曰古者君臣佩

玉五霸迭興戰兵不息解去紱佩留其係璲以為章表故詩曰鞞鞞佩璲此之謂也紱佩既廢秦乃以采

組連結於璣轉相結受故謂之綬漢承秦制而弗改故加之以雙印佩刀之飾至孝明皇帝乃為大佩衝

牙雙瑞璫漢天河也有光而無所明孔曰楊泉物理皆以白玉論云漢水之精

也氣發而升精華浮上宛轉隨流名曰天河一曰雲漢鄭曰監視也毛曰跂

隅貌朱曰織女星名在漢旁孔曰孫毓云織女三星跂然如隅則三星

鼎足而成三角望之跂然鄭曰襄駕也駕謂更其肆也從旦至

暮七辰一移因謂之七襄孔曰肆謂止舍處天有十二次日月星辰所止舍也

在天為次在地為辰星之行晝夜雖各六辰數者舉其終始故七即自卯至酉也毛曰或醉

於酒或不得漿佩之鞞鞞然居其官職非其才之所

長也

曹曰既以私人為百僚則名實亂矣故當飲漿者反飲之以酒無寸長者乃使之佩瑞玉也

朱曰維天之有漢則庶乎其有以監我而織女之七

襄則庶乎其能成文章以報我矣無所赴愬而言惟

天庶乎其恤我耳

歐陽曰譚人仰訴於天言我民困矣天之雲漢有光亦能下監我民

乎其不言日月之明而言雲漢之光者謂不能下監也

曹曰晝夜行役不得休

息重以飢渴寒暑因夜行仰見星漢而託興焉

雖則七襄不成報章皖

華板反

彼牽牛不以服箱東有啓

明西有長庚有捄天畢載施之行

戶郎反

毛曰報章反報成章也睨明星貌

孔曰睨然而明

河鼓謂之

牽牛

孔曰爾雅以河鼓牽牛為一星李巡孫炎以為二星不知其同異

丘曰服箱猶

言駕車也

朱曰易曰服牛乘馬

毛曰箱大車之箱也

孔曰兩較之內謂之

箱甫田曰乃求萬斯箱書傳曰長幾充箱是車內容物之處

日旦出謂明星為啓

明日既入謂明星為長庚庚續也

劉曰金星朝在東所以啓日之明夕

在西所以續日之長

李曰鄭樵云啓明金星長庚

水星金在日西故日將出則東見水在日東故日將

沒則抹畢貌所以掩免也

孔曰駕鵞曰畢之羅之月令禁羅罔畢翳毋出九門

是田器也

天畢畢星也

鄭曰行行列也

歐陽曰天雖

有織女不能為我織而成章

鄭曰織女有織名爾駕則有西無東不如人織

相反報成章是報反成章

孔曰織之用緯一來一去曹曰今徒左旋而不反

雖有牽牛

不能為我駕車而輸物雖有啓明長庚不能助日為

晝俾我營作

鄭曰啓明長庚皆有助日之名而無實光也

雖有天畢不能

為我掩捕鳥獸

孔曰在天之畢徒施于二十八宿之行列而已何曾見其掩兔乎

李

曰此數星者皆取人間器用之物為有其名而無其

實 朱曰至是則天亦無若我何矣 曹曰地利盡

矣人力竭矣維自天而降或可以佐之所謂天雨鬼

輸也

維南有箕不可以簸

波我反

揚維北有斗不可以挹

音揖酒

漿維南有箕載翕

許急反

其舌維北有斗西柄

彼病反

之揭

居竭反

朱曰箕星夏秋之間見於南方斗北斗也 毛曰挹

斟

矩于反廣雅云酌也

鄭曰翕猶引也

董曰箕其踵似

箕且有舌斗其方如斗且有柄箕四星二為踵二為

舌踵狹而舌廣故曰翕斗四星為斗三星為柄垂而

下揭故曰揭 朱曰斗西柄亦秋時也 歐陽曰雖
有箕不能為我簸揚糠粃雖有斗不能為我挹酌酒
漿箕斗非徒不可用而已箕引其舌反若有所噬斗
西其柄反若有所挹取於東也 朱曰是天非徒無
若我何乃亦若助西人而見困甚怨之辭也 曹曰
此詩緣困於役而傷於財故其所冀望而不足者皆
衣服飲食之事由其迫於飢渴寒窘而後興也

大東七章章八句

四月大夫刺幽王也在位貪殘下國構

古又反

禍怨亂並

興焉

四月維夏六月徂暑先祖匪人胡寧忍予

朱曰興也 李曰乃夏之四月六月也 毛曰徂往

也六月火星中暑盛而往矣 鄭曰匪非也 朱曰

四月維夏則六月徂暑矣先祖豈非人乎而何忍使

我遭此禍也無所歸咎之辭也 王曰先祖匪人乎

亦人耳則不宜忍其後使之遇亂世也 曹曰四月

始夏夏者萬物盛大之時然盛大者不可久也俄而

六月大火既中則暑徂而往矣暑徂則萬物衰瘁之

候以比周之昔盛而今衰也

李曰此詩三章頗有次第一章則言其夏時二

章則言其秋日三章則言其冬日四月之時陽氣方盛至六月而暑徂矣是其萬物衰微之漸其後遂為秋又其後遂為冬其暴虐愈甚也

秋日淒淒

反西

百卉具腓

反芳非

亂離瘼

音莫

矣爰其適歸

東萊曰秋日冬日猶云秋時冬時也毛曰淒淒涼

風卉草也鄭曰具猶皆也毛曰腓病也丘曰

離離散也 毛曰瘼病也 杜氏左傳注曰爰於也

毛曰適之也 鄭曰涼風用事則衆草皆病 杜

氏左傳注曰禍亂於何所歸乎歎之

冬日烈烈飄風發發民莫不穀我獨何害

鄭曰烈烈猶栗烈也發發疾貌 朱曰穀善也 李

曰幽王虐政愈甚如冬日烈烈然而虐飄風發發然

而疾也 朱曰民莫不善而我獨何以遭此害乎夏

則暑秋則腓冬則烈禍亂日進無時而息也

山有嘉卉侯栗侯梅廢為殘賊莫知其尤

鄭曰嘉善也侯維也尤過也 李曰嘉美卉草也諸

家徒見詩以栗梅為嘉卉遂以生於栗梅之下據詩

言山有嘉卉是栗是梅也且如考工記言天下之大

獸脂者膏者羸者羽者鱗者正猶此詩所謂嘉卉也

民猶嘉卉也今君忍而殘虐之曾莫知其所以得罪

之由也

曹曰嘉卉皆廢為殘賊則焚林竭澤之喻也
蘇曰廢為殘賊言幽王暴而剥下下無完

民也

相息亮反

彼泉水載清載濁我日構禍曷

何葛反

云能穀

鄭曰相視也

朱曰載則也

鄭曰構猶合集也曷

之言何也

丘曰我視彼泉水則有清時則有濁時

不一於濁也幽王之時皆濁無有或清之時

朱曰

相彼泉水猶有時而清有時而濁而我乃日日構害

則曷云能善乎

滔滔

吐刀反

江漢南國之紀盡瘁

似醉反

以仕寧莫我有

毛曰滔滔大水貌

鄭曰江漢南國之大水

朱曰

紀綱紀也謂經帶包絡之也

曹曰江漢受百川之水而注之海使無泛溢之

患所以紀理南國也

鄭曰瘁病也

朱曰有識有也

蘇曰王

者如江漢之紀衆水使天下有所宗而人有所賴

朱曰盡瘁以仕而王何其不我有哉

曹曰此詩指江漢而言盡瘁者

有意也以漸漸之石之詩考之幽王時荆舒嘗叛命將徂征有武人東征不遑出矣之辭則盡瘁以從征役之事者固多矣而幽王曾不知有其勤勞也任者事也

匪鷄

徒丸反

匪鳶

以專反

翰飛戾天匪鱣

張連反

匪魴

于軌反

潛

逃于淵

毛曰鷦鷯也

孔曰說文云鷦鷯也從鳥敦聲字異於鷽也李曰若以為鷽鷽之鷽則無戾

天之理鷽似鷹而大其飛上雲漢

爾雅曰鷽鳥醜其飛也翔疏云鷽鷽也鷽

鳥之類說文云鷽鷽鳥也

鄭曰翰高戾至也

毛曰鱣鯉也鮪鮪

也

孔曰郭璞云鯉今赤鯉也鱣大魚似鱣而短鼻口在頷下體有邪行甲無鱗大者長二三丈今江東

呼為黃魚陸璣云鮪魚形似鱣而青黑頭小而尖似鐵堦蓋大者不過七八尺一名鮪以今驗之則鯉鮪

鱣鮪皆異魚

劉曰言怨亂並興憂之辭也曾不為鷽鷽乎

翰飛戾天曾不為鱣鮪乎潛逃于淵言非此四者則

皆惟其患矣

山有蕨

居曰反

薇隰有杞桋音夷君子作歌維以告哀

毛曰杞枸櫬也桋赤棟

所草反也

孔曰釋木云桋赤棟郭璞云赤棟樹葉細

而岐銳皮理錯戾好叢生山中為車輞

鄭曰此章言草木尚各得其所

人反不得其所傷之也告哀言勞病而愬之

蘇曰桋或作蕨

幽王之亂大夫有退而食蕨蕨杞桋以免於禍者作此詩以告其哀憐天下之志非以為其身也

四月八章章四句

北山大夫刺幽王也役使不均已勞於從事而不得養其父母焉

李曰孔子曰公則說若不均則雖征役未甚勞苦而人亦將怨矣觀大東之詩則有絮絮衣服者有葛屨履霜者北山之詩則有息偃在牀者有不已于行者則天下安得而說服哉王曰經營四方出入風議皆大夫之事也

陟彼北山言采其杞起音偕偕音士子朝夕從事王事靡

盥音憂我父母

李曰杞枸杞也左昭十二年有圃生之杞杜元凱注

云世所謂枸杞者毛曰偕偕彊壯貌說文曰偕偕彊也朱

曰大夫行役陟彼北山采杞而食也毛曰士子有

王事者也 鄭曰朝夕從事言不得休息 朱曰王
事靡盬憂我父母言以王事而貽親憂也

溥

音普

天之下莫非王土率土之濱

音賓

莫非王臣大夫不

均我從事獨賢

毛曰溥大率循濱厓也

孔曰九州海環之濱是四畔近水之處

王曰取

數多者謂之賢禮記曰某賢於某若干與此同義

孔叢

子曰我從事獨賢勞獨事多也

朱曰言土之廣臣之衆而王不均平

使我從事獨勞也不斥王而曰大夫詩人之忠厚如

此孔曰作者言王道之衰傷境界之削則云蹙國百里蹙蹙靡所騁恨其有人衆而不使即以廣大言之所怨情異故設辭不同

四牡彭彭王事傍傍

布彭反

嘉我未老鮮

息淺反

我方將旅

力方剛經營四方

毛曰彭彭然不得息傍傍然不得已

鄭曰嘉鮮皆

善也

毛曰將壯也

朱曰旅與簪同

李曰毛氏以旅為衆按桑

柔曰靡有旅力秦誓曰旅力既愆若桑柔之詩以謂衆力方盛猶可也如秦誓及此詩但指作詩者及良士耳不得解為衆也旅亦訓陳左氏庭實旅百杜元凱以旅訓陳此旅力亦是陳力也後漢傅毅詩曰

哀我經營旅力
靡及注旅陳也

李曰四牡彭彭然不得休息王事傍

傍然不得已蓋王之意善我之未老善我之方壯以
我之力方且剛強可以經營四方而使之

或燕燕居息或盡瘁事國或息偃在牀或不已于行

毛曰燕燕安息貌盡瘁事國盡力勞瘁以從國事

鄭曰不已猶不止也

李曰有不
止於行而馳驅于道路者

李曰自此以

下皆言役使不均

劉曰彼或不知叫號我則慘慘劬勞彼或棲遲偃仰我則王事鞅掌

彼或湛樂飲酒我則慘慘畏咎彼或出入風議我則靡事不為以彼為賢也則國事待我而集以我為賢

耶則厚祿
居彼為多

左氏傳晉伯瑕曰詩曰或燕燕居息或惓

惓事國

或不知呌號

戶刀反

或慘慘

七感反

的勞或棲

音西

遲偃仰或

王事鞅

於兩掌反

李曰有棲遲於家而偃仰者 毛曰鞅掌失容也

孔曰

鞅掌頻勞之狀言事煩鞅掌不暇為容儀也今俗語以職煩為鞅掌其言出于此

東萊曰號

呼也或不知呌號謂深居安逸雖外之呌呼亦不知也

或湛

都南反

樂

洛音

飲酒或慘慘畏咎或出入風

諷音

議或靡

事不為

王曰出入風議親信而優游也

陳曰出入風議從事口舌也

北山六章三章章六句三章章四句

無將大車大夫悔將小人也

鄭曰是時小人衆多賢者與之從事自悔與小人並

無將大車祇

音

自塵兮無思百憂祇自底

都禮反

兮

鄭曰將猶扶進也

孔曰大車平地載任之車其車

駕牛祗適也 毛曰疢病也 蘇曰將大車則塵汙

之思百憂則病及之 李曰猶小人不可與之共事

與之共事難及其身不可逃也

無將大車維塵冥冥

莫庭反

無思百憂不出于頰

古迥反

朱曰冥冥昏晦也頰與耿同小明也在憂中耿耿然

不能出也 荀子云君人者不可以不慎取臣匹夫

者不可以不慎取友友者所以相有也道不同何以

相友也均薪施火火就燥平地注水水流濕夫頰之

相從也如此之著也以友觀人焉所疑取友求善人
不可不慎是德之基也詩曰無將大車維塵冥冥言
無與小人處也

無將大車維塵雖

於勇反

兮無思百憂祇自重

直用反

兮

鄭曰雖猶蔽也重猶累也

王曰凡物之行不為物所累則輕而速為物所累則

重而遲

無將大車三章章四句

小明大夫悔仕於亂世也

歐陽曰鄭謂名篇曰小明者言幽王日小其明損其政事據詩終篇但述征行勞苦畏於得罪不敢懷歸之事乃是大夫悔仕之辭如序之說是也了無幽王日小其明之意大雅明明在下謂之大明小雅明明上天謂之小明自是名篇者偶為誌別爾了不闕詩義苟如鄭說則小旻小宛之類有何義乎

明明上天照臨下土我征徂西至于朞音求野二月初吉

載離寒暑心之憂矣其毒大音泰苦念彼共音恭人涕零如

雨豈不懷歸畏此罪罟

音古

蘇曰亢地名也

毛曰亢野遠荒之地

朱曰二月建卯也

毛曰

初吉朔日也

孔曰離歷也

毛曰罟網也

朱曰

此大夫以二月西征至于歲莫而未得歸故呼天而

訴之其毒大苦謂憂之甚

丘曰共人謂溫恭之人

隱居不仕者也賢者久不得歸於是悔仕進退既難

恐不免於禍念彼不仕之人間居自樂欲似之而不

得故涕零如雨也

王曰豈不懷歸畏此罪罟世亂

矣欲去而畏離罪也

李曰方其未仕不仕可也既仕則欲歸而不得亂世常如此也

昔我往矣日月方除

直慮反

曷云其還歲聿云莫

音暮念我

獨兮我事孔庶心之憂矣憚我不暇念彼共人睠睠眷

懷顧豈不懷歸畏此譴怒

毛曰除除陳生新也

孔曰上云二月初吉謂始行之時故言除陳生新謂二月也下

云日月方與傳曰煖即春溫亦謂二月也

鄭曰孔甚也庶衆也

毛曰憚

勞也曹曰除歲除也周以十一月為正則除在十

月矣唐蟋蟀曰蟋蟀在堂歲聿其莫今我不樂日月

其除是歲莫而後除也鄭以四月為除則以蟋蟀之
義不通當是歲莫也下章所謂與則入室之候書所
謂厥民隩是也盖大夫以去歲十月啓行二月而至
芄野故於方除言往於芄野言至此而問歸期焉則
茫然無日今歲又莫矣乃復使我獨以一身而當衆
事孔曰悔仕於亂故念彼共人睠睠然情懷反顧
恨不隱而遭此勞也我誠思歸畏此譴怒而不敢歸
耳

昔我往矣日月方奧

於六反

曷云其還政事愈蹙

子六歲反

聿云莫采蕭穫

戶郭反

菽

音叔

心之憂矣自詒伊戚念彼共

人興言出宿豈不懷歸畏此反覆

芳福反

毛曰奧煖也

鄭曰愈猶益也

毛曰蹙促也

鄭

曰詒遺也

毛曰戚憂也

鄭曰興起也

朱曰今

未知還期而政事益以促急是以至此歲莫采蕭穫

菽之時而不得歸也

劉曰采蕭穫菽者冬之事也董曰采蕭所以祭也穫菽所以

畜也觀時之晚所以為畜為祭不得有備故憂之而感曹曰蕭以供祭菽以致養此思歸之心尤切也

鄭曰自貽伊戚我冒亂世而仕自遭此憂

朱曰不能見幾遠去

而自遺此憂

悔仕之辭

蘇曰念彼共人興言出宿不安

寢也

朱曰畏此反覆王政險側不可知也

嗟爾君子無恒安處

昌慮反

靖共爾位正直是與神之聽

之式穀以女

毛曰恒常也

王曰靖靜也

毛曰式用也

丘曰

穀祿也

朱曰以猶與也

歐陽曰嗟爾君子無恒

安處乃是大夫自相勞苦之辭云無苟偷安

朱曰無以安處

為恒言當有勞
時勿懷安也

但靖共爾位之職惟正直是與則神

將佑爾以福也

鄭禮記注曰神聽汝之所為用祿

與汝 東萊曰上三章皆悔仕亂世厭於勞役欲安

處休息而不可得故每章有懷歸之歎至是知不可

去矣則與其同列自相勞苦曰嗟爾君子無恒欲安

處也苟靖共於位惟正直之道是與則神將佑之矣

何必去哉卒章又申言之也

嗟爾君子無恒安息靖共爾位好

呼報反

是正直神之聽

之介爾景福

毛曰息猶處也 朱曰好是正直愛此正直之人也

毛曰介景皆大也

小明五章三章章十二句二章章六句

鼓鐘刺幽王也

孔曰鄭氏於中候握河紀注云昭王時鼓鐘之詩所
為作者鄭時未見毛詩依三家為說也

鼓鐘將將

反七羊

淮水湯湯

傷憂

心且傷淑人君子懷允

不忘

孔曰鼓擊也

釋文曰將將聲也

禹貢曰導淮自

桐柏東會於泗沂東入于海

孔曰桐柏山在南陽之東朱曰淮水出信陽

軍桐柏山至楚州連水軍入海

釋文曰湯湯流盛也

鄭曰淑善也

允信也

張曰必是為淮水盛害而不恤作樂不止

故刺之

曹曰宣王征淮夷南至江漢四方既平則淮夷內屬久矣當幽王時淮水泛濫為害幽王

無救災恤患之心方且作樂不已此詩所謂刺也歐陽曰考詩書史記皆無幽王東巡之事無由遠出

淮上而作樂

王曰為流連之樂久而忘反故人憂傷淑人

君子懷允不忘者傷今而思古也

李曰言今我思古之善人君子念而

信之未嘗忘也

鼓鐘喑喑

音淮水喑喑反

戶皆憂心且悲淑人君子其德

不回

毛曰喑喑猶將將也

蘇曰喑喑水流也

毛曰回

邪也 王曰喑喑則既不溢矣淑人君子其德不回

亦思古也

鼓鐘伐鼗

古毛反

淮有三洲憂心且妯

勑留反

淑人君子其

德不猶

毛曰磬大鼓也

周禮鼓人以磬鼓鼓役事注云磬鼓長一丈二尺譚人云皋鼓長尋有四

尺鼓四尺倨勾磬折則磬鼓中高而兩頭下矣孔曰磬即皋也古今字異耳今且伐於磬則凡樂無所

不用之矣孔曰水中可居曰洲毛曰妯動也猶若也

張曰言水之大其上而露者惟有三洲耳

曹曰幽王當滅膳徹

樂以答災謹方且作樂愈加而大東萊曰淮有三洲作詩者賦其所見也蘇曰言水落而洲見也

孔曰憂結於心為之變動容貌念古之善人君子其

德不若幽王也

朱曰言不若今王之荒亂王曰作樂當水之溢至淮水之降以言其久

也其流連亦甚矣 董曰用于淮上則其地遠也用
于三洲則其役久也其地遠其役久則民怨而音變
悽苦之氣貫金石入陶
乾故聞之者憂傷也

鼓鐘欽欽鼓瑟鼓琴笙磬同音以雅以南以簫以灼反不

僭七念反

孔曰欽欽亦鐘聲也

毛曰欽欽言使人樂進也
孔曰人聞而樂進其善

爾雅

曰禮圖舊云雅瑟長八尺二寸廣一尺八寸二十三
絃其常用者十九絃頌瑟長七尺二寸廣尺八寸二
十五絃盡用之廣雅云琴長三尺六寸六分五絃後

加文武二絃笙以匏為底列十三管匏中笙筦有簧

故或謂笙為簧磬以石為之其制在考工記磬氏樂

周官眠瞭掌擊笙磬笙師掌共鐘笙之樂儀禮大射樂人宿縣于阼階東笙磬西其南笙鐘是笙磬作于堂之上下異器而同音同為陽聲也笙鐘均作于堂之下異音而同樂其音一陰而一陽也

蘇曰

雅二雅南二南

毛曰籥六孔

孔曰郭璞曰籥如笛三孔而短小廣雅云

七孔釋文曰以竹為之長三尺歐陽曰季札見舞南籥者曰美哉猶有憾蓋以為文王之樂詩又以文

王之詩為周南召南以雅以南者不知南為何樂常關所未詳程曰春秋戰國以來諸侯卿大夫士賦

詩道志者凡詩雜取無擇至考其入樂則惟南雅頌之三者蓋享之用鹿鳴鄉飲酒之笙由庚鵲巢射之

奏騶虞采蘋諸如此類未有或出南雅頌之外也則是三者皆樂詩也故鼓鐘之詩曰以雅以南以簫不僭季札觀樂有辨象箭南籥者詳而推之南籥二南之簫也雅二雅也象舞頌之維清也其在當時親見鼓樂者凡雅頌率參以南其后文王世子又有所謂胥鼓南者則南之為樂信矣論語曰孔子自衛反魯

然後樂正雅頌各得其所

朱曰僭亂也

孔曰先言鐘者先擊金

以奏諸樂左傳謂之金奏 朱曰琴瑟在堂笙磬在

下同音言其和也 曹曰上下諧和猶云依我磬聲

也籥舞者所執也以二雅二南播之文舞而無僭差

凡此皆先王之正樂也

樂書曰鼓瑟鼓琴笙磬同音以致其和以雅以南以籥不

僭以致其節

蘇曰言幽王之不德豈其樂非古歟樂則是

而人則非也

鼓鐘四章章五句

楚茨

徐咨反

刺幽王也政煩賦重田萊多荒饑饉降喪民

卒流亡祭祀不饗故君子思古焉

呂曰楚茨極言祭祀所以事神受福之節致詳致備所以推明先王致力於民者盡則致力於神者詳觀其威儀之盛物品之豐所以交神明逮羣下至于受

福無疆者非德盛政修何以致之 蘇曰凡詳言之者皆思而不得見之辭也

楚楚者茨言抽

勅留反

其棘自昔何為我蓺

魚世反

黍稷我

黍與與

音餘

我稷翼翼我倉既盈我庾維億以為酒食以

享以祀以妥

湯果反

以侑以介景福

毛曰楚楚茨棘貌 鄭曰茨蒺藜也

孔曰郭璞曰布地蔓生細葉子

有三角刺 董曰鄭康成謂趨以采薺當為楚薺之

薺慮後世誤也 說文曰薺蒺藜也而茨則以茅葺

屋覆之名然則當康成世字猶為薺其為茨者後人誤也

朱曰抽謂其條抽發

鄭曰與與翼翼蕃蕪貌 毛曰露積曰庾

孔曰甫田言曾孫之

稼如茨如梁此聚稼又曰曾孫之庾如坻如京此積粟也下言乃求千斯倉乃求萬斯箱欲以萬箱載稼千倉納庾是庾未入倉矣故

曰露積周語云野有庾積

鄭曰十萬曰億 毛曰

安安坐也侑勸也 孔曰介大也 鄭曰景大也

王曰今棘茨之所生乃自昔我藝黍稷之地 孔曰

我所種之黍與與然我所種之稷翼翼然蕃茂盛大

皆得成就 王曰及其收也則我倉既盈無所藏之

則露積為庾其數至億

劉曰古者內自鄉遂外薄要荒皆成井邑與與然比隣之

黍皆豐也翼翼然左右之稷皆實也故
我人倉盈于州都而我庾充於億兆

其成民如此

然後可以致力於鬼神於是以為酒食以享以祀以

安以侑

鄭曰以黍稷為酒食獻之以祀先祖既又迎尸使處神坐而食之恐其不飽祝以主人之

辭勸之

少牢饋食禮尸升筵祝主人皆拜安尸尸

答拜遂坐尸告飽祝侑曰皇尸未實侑尸又食主人

不言拜侑尸又三飯注祝言而不拜主人不言而拜

親疎之宜朱曰郊特牲曰詔安尸蓋祭祀筮族人

之子為尸既奠迎之使處神坐而拜以安之也又

懼其不敢飽也使祝進而勸之食所以侑之也以

介景福也曹曰首章之意言昔人能治茨棘而為

良田今人乃廢良田而為茨棘時政之得失宗廟興

廢之由也 陳曰此章與豐年之詩相類

濟濟

子禮反

踳踳

七羊反

絜爾牛羊以往烝嘗或剥或亨

普庚

反

或肆或將祀祭于祊

補彭反

祀事孔明先祖是皇神保

是饗孝孫有慶報以介福萬壽無疆

毛曰濟濟踳踳言有容也

孔曰曲禮云大夫濟濟士踳踳是有容也祭祀之禮

主人自慙而趨其賓客則有容儀故濟濟踳踳也

劉曰絜者在滌而芻之也

鄭曰冬祭曰烝秋祭曰嘗

董曰自黍稷成為酒醴至其為祭乃烝嘗之時

也剥解剥其皮也 毛曰亨飪之也

孔曰亨謂煮之使熟故云亨飪

之肆陳也

蘇曰肆陳其骨體于俎也肆為剔謂剔其體骨而升之俎也亦通

朱曰鄭氏讀

鄭曰將奉持而進之也

毛曰祊門內也

孔曰孫炎云祊謂廟

門也彼直言門知門內者以正祭之禮不宜出廟門也而郊特牲云直祭祝于主注云直正也又曰祝祭索于祊注云廟門外曰祊又注祊之禮宜于廟門外之西室與此不同者以彼祊對正祭是祭之明日故禮器曰為祊于外祭統曰而出于祊對設祭于堂為正是以明日之繹故皆在門外以廟門謂之祊知內外皆有祊之稱也

鄭曰孔甚也

朱曰明猶備也著也

毛

曰皇大也

朱曰神保鬼神之嘉號楚詞曰思靈保

兮賢姱

反白于

蓋古語云然

劉曰孝孫謂天子也

孔曰介大也 鄭曰疆境界也 孔曰古之明王其

助祭之臣其儀濟濟然蹌蹌然乃絜所祀之牛羊為

烝嘗之祭

又曰周禮祭祀之聯事司徒奉牛司馬奉羊各有司也

既絜此牲其

治之亦各有職或解剥之者或亨煮之者或陳之者

或奉持而進之者

孔曰內饗云凡宗廟之祭祀掌割亨之事則解剥其肉是內饗也亨

人云掌共鼎鑊以給水火之濟職外內饗之饗亨煮則煮熟之者是亨人也外饗掌陳其鼎俎實之牲體則肆其骨體于俎是外饗也大司徒云祀五帝奉牛牲羞其肆享先王亦如之注云肆進所解骨體又小子掌祭祀羞羊肆羊胾肉豆則奉持進之是司徒小子之類

鄭曰孝子不知神之

所在故使祝博求之平生門內之旁待賓客之處祀

禮於是甚明

王曰凡祭裸鬯求諸陰燭蕭求諸陽索祭祝于祊求于陰陽之間夫遊魂為變

無不之無不在求之不可一所曹曰然後洋洋乎如在其上如在其左右祀事乃甚明也正祭之祊不出廟門繹祭之祊在廟門外內外禮備則向也不知神之所在者至此為甚明矣王曰孔明即見所祭

謂之

王曰夫然故先祖是皇神保是饗而孝孫有慶矣

曹曰神即先祖之神也推其統業所始則謂之祖著其感格之靈則謂之神

丘曰孝孫有

慶者神報以大福萬壽無疆也

執爨

七亂反

踏踏

七夕反

為俎孔碩或燔

音煩或災之列反

君婦

莫莫音麥為豆孔庶為賓為客獻醕市由反交錯禮儀卒度

笑語卒獲神保是格報以介福萬壽攸酢

毛曰饗饗饗廩饗也孔曰祭祀之禮饗饗以煮肉廩饗以炊米少牢云饗饗在門東

南北上廩饗在饗饗之北踏踏言饗竈有容也孔曰執饗竈之人皆踏踏然敬慎

丘曰為俎孔碩謂載牲體於俎甚大也鄭曰燔燔

肉也炙肝炙也孔曰量人云凡祭祀制其從獻脯燔之數然言從獻者謂既獻酒即以此

燔炙從之知燔肉炙肝者特牲主人獻尸賓長以肝從主婦獻尸兄弟以燔從彼燔同則彼肝與此炙同燔者火燒之名炙者遠火之稱以難熟者近火易熟者遠之故肝炙而肉燔也東萊曰為俎孔碩謂薦

熟也或燔或炙謂從獻也鄭氏以為一君婦謂后也
事誤矣燔肉與炙肝豈得謂之孔碩乎君婦謂后也
孔曰凡適妻稱君婦故妾稱之為女君也

毛曰莫莫言清穆而敬至也

孔曰九嬪贊后薦徹豆籩是后主共籩豆由后能清
靜篤敬故能為豆甚多若簡躁不恭則不能也毛

曰豆謂內羞庶羞也

孔曰以言孔庶則非一故為兼二羞也有司徹云宰夫羞房中

之羞司士羞庶羞注云房中之羞其籩則糗餌粉飧
其豆則醢食糝食庶羞羊臠豕臠皆有載醢房中之
羞內羞也彼大夫賓尸尚有二羞明天子之正祭
有二羞矣天子庶羞百有二十品內羞亦多矣

朱

曰為賓為客言既以豆獻尸又與賓客相獻酬也

曹

二羞品物甚衆非特以供祭祀而已祭終有燕及賓尸之禮不可以不豫備也尸飲五以玉爵獻卿尸飲七以瑤爵獻大夫尸飲九以散爵獻士至羣有司皆以齒孔曰或以為三章別陳繹祭賓尸之事而知不然者以此篇上下共論一祭首尾連接則所用必廣其文不主繹也鄭曰始主人酌

賓為獻賓既酢主人主人又自飲酌賓曰醕至旅而

爵交錯以徧

孔曰特牲少牢皆有其事

毛曰東西為交邪行為錯

鄭曰卒盡也

毛曰度法度也

鄭曰古者於旅

也語

朱曰獲得其宜也

毛曰格來也酢報也

孔曰執爨有俯仰之容君婦有清靜之德俎豆肥美

獻酬得法以事鬼神鬼神安之報以多福 孔曰三章獻酬笑語事在祭末當處啇辭工祝之下今在先者以獻酬是賓客之事因說羣臣助祭而言之耳

坊記子云七日戒三日齋承一人焉以為尸過之者趨走以教敬也醴酒在室醢酒在堂澄酒在下示民不淫也尸飲三衆賓飲一示民有上下也因其酒肉聚其宗族以教民睦也故堂上觀乎室堂下觀乎上詩云禮儀卒度笑語卒獲 東萊曰味坊記之言則

三代之祭祀洋洋乎其可識矣

以下原闕

少牢云主人出立于阼階上西面是尊者出稍遠也此云祖位明遠於大夫故知至堂下也特牲少牢皆西面故知天子

毛曰致告告利成也

少牢注云利猶養也成畢也言

之位亦西面也

孝子之養禮畢

孔曰特牲告利成即云尸謾祝前

主人降少牢祝告利成即云祝入尸謾主人降凡若

此之二者皆祝告主人以利成是致尸意也孝子之事尸有尊親及賓客之義命當由尊者出讓當從賓客來禮畢義由于尸非主人所當先發東萊曰孔氏論特牲少牢禮祝致尸意告主人以利成之說既得之矣其下又云天子尊節文備祝先致尸意於主人乃致主人意告尸此乃牽合以附鄭說初無據也

鄭曰具皆也

孔曰言皆醉者所祭羣廟非止一神故也

朱曰鬼神無形言

其醉而歸者誠敬之至如見之也

毛曰皇大也

朱曰皇尸者尊稱之也 鄭曰載則也 孔曰鳴鼓

鐘以送尸謂奏肆夏也

大司樂尸出入奏肆夏

鄭曰尸節神者

也神醉而尸謏送尸而神歸

釋文曰謏起也尸與神為節度者也

孔曰

無形故尸象焉

曹曰少牢饋食禮云尸謏主

人降拜于阼階東西面祝先尸從遂出于廟門

也尸出而可徹諸宰徹去諸饌君婦籩豆而已

孔曰周禮

九嬪云祭祀贊后徹豆籩然周禮宰夫無徹饌之文膳夫徹王之胾俎最尊也其餘則其屬徹之然則言諸宰者以膳夫是宰之屬官膳夫上士

二人中士四人下士八人故言諸也

祭祀畢歸賓

客之俎同姓則留與之燕所以尊賓客親骨肉也

孔曰

特牲少牢禮皆曰祝執其俎以出是歸賓客之俎也
又特牲曰祝命徹胙俎豆籩設于東序下所以留同
姓燕也曹曰自尸祝至兄弟之庶羞宗子以與族
人燕飲于堂內賓宗婦之庶羞主婦以燕飲于房親
之義也 孔曰此受嘏之後言祭畢告利成送尸徹饌與

同姓燕之事

樂具入奏以綏後祿爾穀既將莫怨具慶既醉既飽小
大稽首神嗜飲食使君壽考孔惠孔時維其盡之子子

孫孫勿替

天帝反

引之

毛曰綏安也將行也 鄭曰小大猶言長幼也 董

曰稽首謂頭拜至地也 鄭曰惠順也甚順於禮甚

得其時 爾雅曰替廢引長也子子孫孫引無極也

孔曰上章云備言燕私故此章即陳燕私之事祭

時在廟燕當在寢故言祭時之樂皆復來入於寢而

奏之

又曰燕祭不得同樂而云皆入者歌詠雖異樂器則同故皆入也 朱曰凡廟之制前廟以奉

神後寢以藏衣冠祭於廟而燕於寢

朱曰且於祭既受祿矣故以燕為

將受後祿而綏之也

鄭曰骨肉歡而君之福祿安

爾毅既進與燕

之人無有怨者

劉曰莫有怨而不足者

而皆歡慶醉飽稽首而

言曰向者之祭神既嗜君之飲食矣

曹曰凡祭必欲其饗之故工祝

致告宗族具慶皆以神嗜飲食歸美焉

是以使君壽考也又言君之祭

祀甚順甚時無所不盡

董曰維其盡之則內盡志外盡物

子子孫孫

當不廢而引長之也

爾雅注云世世昌盛長無窮是勿廢長行之

孔曰神

嗜飲食以下是慶辭也

楚茨六章章十二句

信南山刺幽王也不能修成王之業疆理天下以奉禹

功故君子思古焉

劉曰天下之土皆為水之所汨而禹決九川距四海
濬畎澮距川暨稷播秦庶艱食蒸民乃粒萬邦作乂
弼成五服至于五千州十有二師外薄四海咸建五
長是田法成於禹稷久矣夏道衰微而公劉紹興后
稷之業商道廢墜而太王王季緒理公劉之遺文武
既有天下而周公輔弼成王廣五服為九服推后稷
之法以踐禹功而遂成畎澮於天下至于幽王政煩
賦重田萊多荒饑饉降喪民卒流亡則畎澮不修於

天下是以夫間之遂不距于溝畛下之溝不距于洫
涂下之洫不距于澮道下之澮不距于川路下之川
不距于海是所謂不能修成王之業疆理天下以奉
禹功也疆理者川自六鄉而距于海路自荒服而達
于畿之謂也

東萊曰劉氏釋序之意善矣但詩之曾
孫蓋泛指周之盛王周自后稷教民播

種故詩言從王務農者皆
本之后稷而謂之曾孫也

信彼南山維禹甸

田見反

之昀昀

音勻

原隰曾孫田之我疆

我理南東其畝

董曰南山終南山也 毛曰甸治也

鄭曰禹治而立甸之六十四井

為甸甸方八里居一成之中成方十里出兵車一乘
以為賦法 孔曰四井為邑四邑為丘四丘為甸丘
十六井甸六十四井也知方八里者以孟子云方里
而井計之則邑方二里丘方四里甸方八里也匠人
既云十里為成即云成間廣八尺深八尺謂之洫是
甸在其中傍一里以治洫成出兵車十乘為七十五
人而左傳說夏少康有田一成有衆一旅十里有五
百人者計成方十里其地有九百夫之田授民田有
不易一易再易通率二而當一有四百五十人矣其
中土地差多則容得五百人也傳說少康盡舉大數
故與出賦異禹盡力乎溝洫與匠人井間有洫同也
畎澮距川與匠人田間有澮專達于川同也是則丘
甸之法禹之所為 曹曰禹嘗曰予決九川距四海
濬畎澮距川暨稷播奏庶艱食鮮食烝民乃粒萬邦

作又水土既平稷乃得教民藝五穀是稷之功因于治水故孟子以為禹稷同道至成王能遵后稷之業以終禹之功乃井牧其田野什伍其人民而田

制備矣故詩繫后稷之言而謂曾孫為成王也

田

壑辟貌

孔曰壑耕其地辟除草萊以成桑田也釋訓云田也

毛曰高平曰原

下濕曰隰 孔曰曾者重也自曾祖以至無窮皆得

稱曾孫 王曰疆者為之大界理者衡從其溝涂

劉曰

疆謂有夫有畛有涂有道有路以經界之也理者謂有遂有溝有洫有澮有川以疏通之也

毛曰

南東或南或東

劉曰其遂東入于溝則畝南矣其遂南入于溝則畝東矣 王曰或南或

東各順地勢所宜言南以廬在其北而鄉南故也言東以廬在其西而鄉東故也

孔曰信乎

彼南山之野本禹所治

董曰雍州之山荆岐既終南惇物則禹固治之矣

劉

曰周京于鎬南距于山其田獨廣也

曹曰鄭氏謂

丘甸之法自禹已然按禹貢王畿謂之甸服者主為

天子服治田而已其貨財貢賦則咸取則于三壤未
有立甸之法也至周而後立甸之法行于侯服之外

蓋可
考也

朱曰將言原隰墾闢之事故推其始王曰言

信彼者以見幽王之時王政衰矣不明乎得失之迹
者聞有道先王之事則疑其不能如彼故也曹曰

於禹言南山見其治水之功夫大也於曾孫言原隰見
其井田之制備也左傳齊國佐曰先王彊理天下

物土之宜而布其利故詩曰我疆我理南東其畝

劉曰南東其畝者順地勢及水之所趨也

上天同雲雨

于付反

雪雰雰

芬云反

益之以霰

音麥

霰音木既優

既渥既霑既足生我百穀

爾雅曰冬為上天 朱曰同雲雲一色也將雪之候

如此 毛曰雰雰雪貌 爾雅曰小雨謂之霰霰

毛曰豐年之冬必有積雪 鄭曰冬有積雪春而益

之以小雨潤澤則饒洽

陸曰三農之事雪則欲盛而徧故於雪言雰雰雨則欲微

而潤故于雨言霖霖曹曰季冬行夏令則時雪不降當冬而雪至春而益以霖霖之小雨無愆陽無伏陰二氣既和萬物得矣曹曰穀之別五而已而其屬有百者蓋

五穀乃種之美者也然水旱凶荒未必皆收故凡草木之實可以備凶荒水旱而充民食者亦咸務焉故稱百穀也

疆場

音

翼翼黍稷或或

於六反

曾孫之穡以為酒食界我

尸賓壽考萬年

毛曰場畔也

前漢書張晏注至此易主故曰易

孔曰翼翼然閒整

毛曰或或茂盛貌 鄭曰斂穫曰穡畀予也 丘曰

與尸謂獻熟食并酌齊獻尸是也與賓謂助祭之賓
酌齊獻尸尸因酌以酢賓并祭末燕同姓於燕寢是
也此祭始終用酒食之事 劉曰疆場翼翼謂八家

一井各有疆場萬井縱橫左右翼翼也黍稷或或謂

萬井綦布廣野或或成文也曾孫之穡以為酒食畀

我尸賓

曹曰厚尸賓所以重先祖也

壽考萬年者公田所收以為

酒食祭祀陰陽和萬物遂而人心歡悅以奉宗廟則

神降之福故壽考萬年也

中田有廬

力居反

疆場有瓜是蒞

側居反

獻之皇祖曾

孫壽考受天之祜

鄭曰中田田中也農人作廬焉以便其田事

後漢注春秋井

田記人受田百畝公田十畝廬舍在內貴人也公田次之重公也私田在外賤私也立曰公田百畝內

除二十畝為八家治田之廬董曰井九百畝其中為公田八家每家廬舍二畝半于畔上種瓜前漢書

食貨志瓜飽果

毛曰剥瓜為蒞也

鄭曰剥蒞淹漬以為蒞

鄭曰

祜福也孔曰古者宅在都邑田於外野農時則出

而就田須有廬舍

曹曰邑則聚居廬則各在田中所以疆場有爪

於田中

種穀於畔上種瓜所以便地也

王曰疆場有爪則地無遺利矣

瓜新

熟獻於天子乃為蒞以供祭祀

曹曰郊特牲之說曰天子樹瓜華不斂藏

之種而周官場人掌國之場圃而植之果蔬珍異之物以時斂而藏之祭祀賓客則供之是則祭時雖有爪蒞之薦非斂之於民也而此乃云爾者豈農夫敏於本業有餘力以蒞瓜瓠之屬而田大夫每先場人而有獻得以薦新因美之歟此本孔氏之說

鄭曰獻於先祖者貴四時之

異物順孝子之心也

祭以清酒從以騂

息營反

牡享于祖考執其鸞刀以啓其

毛取其血膋

音聊

丘曰清酒清潔之酒也言祭則惟鬱鬯并五齊是用若玄酒示不忘古而已三酒諸臣之所酢非祭用也

孔曰鬱金香草煮之以和鬯鬯釀秬為酒也五齊一泛齊二醴齊三盎齊四緹齊五沈齊三酒一事酒二昔酒三清酒毛曰騂牡周尚赤也

孔曰三代祭其廟各用其所尚之毛色周尚赤

故郊廟用騂牧人云陽祀用騂牡注以陽祀為宗廟

鬯刀刀有鬯者言割中節

也

孔曰鬯即鈴也謂刀環有鈴其聲中節曹曰割欲其正故必聲和而後斷也

毛以告純

也

孔曰郊特牲曰毛血告幽全之物賁純之道也注幽謂血也楚語觀射父云毛以示物韋昭曰物色

也是毛
以告純

血以告殺

孔曰亦楚語文若不殺則無血韋昭曰明不因故也

膋以升

臭合之黍稷實之於蕭合馨香也

孔曰膋者腸間脂也以脂膏合之黍

稷置之蕭乃以火燒之合其馨香之氣是升臭也郊特牲曰取腍臂燔燎升首報陽也

鄭曰祭

之禮先以鬱鬯降神然後迎牲享于祖考乃納亨時

孔曰大宰云及納亨贊玉牲事牽牲入廟將殺授亨人故謂之納亨也納亨而謂之獻于祖考者充人云碩牲則贊注云助君牽牲入告肥是獻之也

劉曰王躬執鸞刀以啓牲耳

之毛豆薦其血蕭絜其膋

王曰執其鸞刀者以親殺也子孫之養其祖考當自

致其力故也祭義曰祭之日君牽牲既入廟門麗于碑卿大夫袒而毛牛尚耳鸞刀以封取膋膋乃退注

麗猶係也毛牛尚耳以耳毛為尚也

郊特牲曰周人尚臭灌用鬯臭鬱

合鬯臭陰達於淵泉灌以圭璋用玉氣也既灌然後迎牲致陰氣也蕭合黍稷臭陽達於牆屋故既奠然後炳蕭合羶薌凡祭慎諸此魂氣歸于天形魄歸于地故祭求諸陰陽之義也

是烝是享必苾苾芬芬祀事孔明先祖是皇報以介福萬壽無疆

毛曰烝進也

朱曰或曰冬祭名

董曰苾苾芬芬香氣上達也


鄭曰既有牲物而進獻之必必芬芬然香祀禮於是則甚明也 孔曰先祖於是美大之報以大福

張文潛曰受莫大之福而其君有安寧壽考之樂此天下之至美極治之際也而其本出於倉廩之盈原隰之治田廬之修相禮之時而後反於祭祀禮樂之事也蓋衣食不足於下則禮樂不備於上禮樂廢則亂隨之而起惟田事修則衣食豐衣食豐則禮樂備禮樂備則和平興和平興則人君有安樂壽考之盛

此詩人深探其本要其終而言之其序如此也

信南山六章章六句

谷風之什十篇五十四章三百五十六句



毛詩集解卷二十

欽定四庫全書

經部
毛詩集解卷二十一至
四

詳校官監察御史_臣孫家賢

通政使司副使_臣莫瞻菴覆勘

總校官降調編修_臣倉聖脉

校對官編修_臣沈清藻

謄錄監生_臣馮萬程

欽定四庫全書

毛詩集解卷二十一

宋 段昌武 撰

甫田之什

甫田刺幽王也君子傷今而思古焉

俶彼甫田歲取十千我取其陳食音嗣我農人自古有年

今適南畝或耘或耔黍稷薿薿魚起反攸介攸止烝我髦

音士
毛

毛曰俾明貌 孔曰甫大也 朱曰十千公田所取

之數

鄭曰歲取十千于井田之法則一成之數也九夫為井井稅一夫其田百畝井十為通通稅十

夫其田千畝通十為成成方十里成稅百夫其田萬畝欲見其數從井通起故言十千上地穀畝一鍾

孔曰鍾容六斛四斗

張曰一成之田九萬畝公取十千畝九一之法也 曹曰甫田大田也毛公所謂

天下田是矣十千盈數也大田之所收多矣而歲所取者十千而已言其取之廉也頌曰豐年多黍多稌亦有高廩萬億及秭廩之多至于萬億及秭而官止取其十千以為稅可謂廉矣鄭氏以十千為一成之稅百夫其田萬畝以合十千之數且見其數從井通起此據司馬法而言之也且如噫嘻頌曰駿發爾私終三十里亦服爾耕十千維耦鄭康成以為萬夫有川川上有路計萬夫之地方三十二里半耜廣五寸

二耜為耦一川之間萬夫故有萬耦且去其二里半以求合于萬耦之說猶之可也至於載芟言千耦其耜但隱但畛畛隱之間十夫之地而容千耦則不能為之說矣大抵詩人情性之言或多或寡未必一一皆稽于度數執度數以求之豈不時有合者然不合者亦多矣

朱曰陳舊粟也 毛

曰耘除草也耜雖本也

孔曰前漢食貨志云后稷始畎田以二耜為耦廣尺深尺

田畝長終畝一畝三畎一夫三百畎而播種於畎中苗葉以上稍耨壟草因墾其土以附苗根比成壟盡而根深能風與旱故藝然 朱曰藟茂盛貌 王曰介而盛也附根即此雖本也

助也止息也 毛曰烝進也髦俊也 蘇曰一成之

田歲取萬畝以為國用 朱曰取其陳以食農人言

積之久而有餘於是存其新而散其舊以補不足助

不給也蓋以自古有年

鄭曰自古者豐年之法如此

是以陳陳相

因所積如此然其用之之節又合宜而有序如此則

無紅腐而不可食之患矣

蘇曰是以親適南畝而

視其耘耔助其勤力止其怠惰

曹曰于是曾孫助其不足而止舍于田間

以察焉其有俊髦之士則登而進之

朱曰進我俊士而勞之也

毛曰治田得穀

俊士以進

蘇曰進其髦俊者如漢寵力田之類歟

東萊曰今者指周盛王之

時也言周王適南畝以勞農見農夫散布田野或耘

或耜而其黍稷粃粃然而盛乃相助而休息之又於
間進其俊髦者以勞勉之古者士出於農而工商不
與焉管仲曰農之子恒為農野處而不暱其秀民之
能為士者必足賴也秀民即詩所謂髦士也

以我齊

音資

明與我犧羊以社以方我田既臧農夫之慶

琴瑟擊鼓以御

牙稼反

田祖以祈甘雨以介我稷黍以穀

我士女

朱曰齊與粢同曲禮曰稷曰明粢此言齊明便文以

協韻耳

毛曰器實曰齊在器曰盛孔曰肆師祭之日表盞盛告潔注云築六穀也器實曰齊指

穀體也在器曰盛據已盛於器也季曰王氏讀齊明為齊明盛服之齊按禮記曰齊者精明之至也則齊明亦可以為齊戒然齊明二字對犧羊為文則當從毛氏之說也

孔曰羊言犧謂純

色

又曰郊特牲曰社稷大牢則四方之神亦大牢此獨言羊以會句

毛曰社后土也

孔曰中庸云郊社相對郊是天則社是地后土者地之大名也鄭駁異義以為社者五土之神能生萬物者以古之有大功者配之祭法曰共工氏之霸九州也其子曰后土能平九州故祀以為社勾龍職主土地故謂其官為后土死以配神社而祭之左傳蔡墨曰共工氏有子曰勾龍為后土后土為社稷田正也有烈山氏之子曰柱為稷自夏而祀之周棄亦為稷自商以來祀之前漢郊祀志云帝王建立社

稷百王不易社者土也稷者百穀之主所以奉宗廟
供粢盛人所食以生活也王者莫不尊重親祭自為
之主禮如宗廟詩曰乃立冢土又曰以御田祖以祈
甘雨注冢大也土土神謂大社也田祖稷神也胡
曰古者祭祖于社猶祭天於郊也故秦誓曰郊社不
修而周之祀于新社亦先用二牛于郊復用大牢于
社也記曰天子將出類于上帝宜于冢土又曰郊所
以明天道社所以明地道周禮以禋祀祀昊天上帝
以血祭祭社稷而別無地示之祀四圭有邸舞雲門
以祀天兩圭有邸舞咸池以祀地而別無社稷之說
則以郊對社可知矣後世方迎四方氣於郊也孔曰
既立社又立北郊失之矣方迎四方氣於郊也曲禮
云天子祭四方歲徧注云祭四方謂祭五官之神于
四郊也句芒在東祝融后土在南蓐收在西玄冥在
北是也此祀在秋而併言四方蓋秋成報功則總祭
社為陰祀其犧用純黑色其方祀則各以其方之色

也 朱曰四時迎五行氣于郊以五帝五官配焉木
之帝曰太皞官曰句芒火之帝曰炎帝官曰祝融土
之帝曰黃帝官曰后土金之帝曰少皞
官曰蓐收水之帝曰顓頊官曰玄冥 鄭曰臧善也

御迎也

毛曰田祖先嗇也

孔曰郊特牲注云先嗇若神農春官籥章注云

田祖始耕田者謂神農始教造田謂之田祖先為稼穡謂之先嗇神其農業謂之神農名殊而實同也
王曰田祖者生而為田畷死而為田祖若樂工之死而為樂祖也 樂書曰古者有事于釋奠祭先師有事于瞽宗祭樂祖養老祭先老執爨祭先炊馬祭先牧食祭先飯然則於田祭田祖亦示不忘本始而已

孔曰甘雨者以長物則為甘害物則為苦 毛曰穀

善也 鄭曰以絜齊豐盛與我純色之羊秋祭社與

四方為五穀成熟報其功也 丘曰所以祭社與方

者由我田盡善農夫喜慶之故也

朱曰言奉其齊盛犧牲以祭方社而

曰我田之所以減善者非我之所致也乃賴農夫之福而致之耳

孔曰至前孟春又

以琴瑟及擊其土鼓以迎田祖之神而祭之以祈甘

澍之雨王肅云大得我稷黍以善我男女言倉廩實

而知禮節也

王曰既已報成復作樂以御田祖祈甘雨農事終則有始也祈甘雨所以介稷

黍介稷黍所以穀士女樂歲則士女多賴故也

樂

書曰周官籥章凡國祈年于田祖飲豳雅擊土鼓以

樂田畯國祭蜡則飲豳頌擊土鼓以息老物又曰國
索鬼神而祭祀則以禮屬民而飲酒于序 段曰予

謂以社以方我田既賦報本之祀也以御田祖以祈
甘雨祈年之祀也於報本之祀言禮以見樂于祈年
之祀言樂以見禮

曾孫來止以其婦子饁

于轍反

彼南畝田畯至喜攘

如羊反

其左右嘗其旨否禾易

以鼓反

長畝終善且有曾孫不怒

農夫克敏

鄭曰饁饋也

王曰畝大抵以南為正故每曰南畝

鄭曰田畯司嗇今之嗇夫也

漢百官表鄉有嗇夫職聽訟收賦稅

蘇

曰攘取也毛曰易治也

王曰禾易禾生樂易也

長畝竟畝也

長畝者古者百畝為畝從一步數至百步非取方也

凡一畝濶一步長一百步若濶三十畝則長三千畝

矣故曰禾易長畝

已上徐筠周禮微言

朱曰有猶多也 毛曰

敏疾也 孔曰王肅云曾孫來止親循畎畝勸稼穡

也農夫務事使其婦子並饁饋也 蘇曰於是田畯

至而喜之取其左右之饋而嘗之以知其肯否 朱

曰言上下相親之甚也 蘇曰民盡力於禾其生竟

畝如一庶幾終善且有於是王無所譴者曰農夫敏

矣東萊曰此章言省耕之時王者在上耕者在下
田畯往來其間勸勞而撫摩之熙然其若一家也攘
其左右嘗其旨否曰攘者喜之甚而取之疾以言其
相親無間也見其禾之易治竟畝如一預知其收穫
終當善而且多矣曾孫不怒農夫克敏者言農夫能
敏於田事如此王者無由譴怒也不曰喜而曰不怒
者若不敏於農則怒矣蓋其喜怒欣戚專在於農也
洛人稱張全義曰張公他無所好見嘉穀大繭則喜

耳正此意也

曾孫之稼如茨

徐私反

如梁曾孫之庾

羊主反

如坻

直基反

如

京乃求千斯倉乃求萬斯箱黍稷稻粱農夫之慶報以

介福萬壽無疆

鄭曰稼禾也謂有藁者也茨屋蓋也

孔曰墨子稱茅茨不翦謂以茅

覆屋故箋以茨為屋蓋言其積聚高大如屋茨耳王曰茨者如束茅而積之者也

毛曰梁車

梁也

孔曰孟子十二月興梁成梁謂水上橫橋橋有廣狹得容車渡則高廣者也故以比禾之積

鄭曰庾露積穀也坻水中之高地也

孔曰釋水云水址曰坻

毛

曰京高丘也 朱曰箱車箱也如茨言其密比也如梁言其穹然也 董曰如坻則鱗比而出也如京則

絕高者亦非一矣 曹曰古之稅法近者納總故有

曾孫之稼遠者納粟米故有曾孫之庾若農夫之慶

則所賴者衆矣 鄭曰見禾穀委積之多於是求千

倉以處之萬箱以載之 蘇曰言黍稷稻粱無所不

有也

曹曰黍稷以實
簋稻粱以實簋

東萊曰溥天之下莫非王土王

土所生莫非曾孫之稼也鄭氏以稅言之陋矣執訊

獲醜戰士之慶也黍稷稻粱農夫之慶也蓋農夫視
黍稷稻粱之豐以為天下之美盡在此矣不知其他
也此詩後二章皆述前二章之意三章所言述首章
今適南畝勞農之事也故曰曾孫來止田畯至喜四
章所言述二章以御田祖祈福之事也故曰報以介
福萬壽無疆自曾孫之稼以下所謂大福也

甫田四章章十句

大田刺幽王也言矜

古頑反

寡不能自存焉

孔曰序不言思古者楚茨至此文指相類承上篇而畧之也

大田多稼既種

章勇反

既戒既備乃事以我覃

以冉反

耜俶

載南畝播厥百穀既庭且碩曾孫是若

孔曰地官司稼注云種穀曰稼種擇其種也 朱曰

戒飭其具也 毛曰覃利也繫辭曰神農氏作斲木

為耜操木為耒

釋文曰京云耜耒下耒也廣五寸耒耜上勾木也 說文曰耜耒端木也

耒手耕曲木也

孔曰王肅以俶為始載為事 毛曰庭直也

鄭曰碩大也若順也將稼者必先相地之宜而擇

其種月令季冬命民出五種

曹曰田之大則其種不一或宜高燥或宜下濕

或利先種或利後種惟其所宜不可以不豫備也周官舍人以歲時懸種種之種以共王后之春獻種司稼掌巡邦野之稼而辨種種之種周知計耦耕事曰其名與其所宜地以為法而懸于邑閭

耕必二耜相對共發一尺之地故計而耦之也

修耒耜具田器

孔曰鑑基之屬此之

謂戒是既備矣至孟春土長冒櫛陳根可拔而事之

孔曰此出于農書以冬土定故櫛櫛於地與地平至孟春土氣升長而冒覆於櫛則舊陳之根可拔

曹

曰兩者俱備乃可以從事於耕 蘇曰取其利耜而

始有事於南畝既耕而播之其耕之也勤而種之也

時故其生者皆直而大以順王之所欲

李曰凡民之所以勤于農

功如是者則以曾孫是若故也言民皆順曾孫之意鄭曰順民事不奪其時也

東萊曰大

田多稼總言之也既種既戒以下至于卒章自始及

末以次陳之也稼雖有如嫁女有所生之訓不必訓

稼為種也

既方既皁

才老反

既堅既好不稂

音郎

不莠

餘久反

去其螟螣

徒得反

及其蠹

莫侯反

賊無害我田穉田祖有神秉畀

必二反

炎火

鄭曰方房也謂孚甲始生而未合時也

孔曰穗上已

者米外之粟皮故種者一孚二米言一皮之內有兩米也甲者以在米外若鎧甲之在人表其種於地則

開甲始生

毛曰實未堅熟曰阜稂童粱也

釋文曰童稂草也禾粟之秀生

而不

莠似苗

孔曰仲虺之誥曰若苗之有莠若粟之有秕似粟莠似苗也

國語注云莠

似稷而無實

朱曰皆害苗之草也

毛曰食心曰螟食葉

曰螣食根曰蠹食節曰賊

孔曰陸疏云螟似子方而頭不赤螣蝗也賊似桃李

中蠹蟲赤頭身長而細耳或說云蠹螻蛄也食苗根為人患舊說螟螣蠹賊一種蟲也如言冠賊姦穴內

外言之耳故捷為文學
曰此四種蟲皆蝗也

朱曰皆害苗之蟲也 說文曰

穉幼禾也 釋文曰秉執持也畀與也 鄭曰盡生

房矣盡成實矣盡堅熟矣盡齊好矣

劉曰穀粒之生先有房甲而後

充實既實矣而未充滿曰阜既阜矣而

未黃綻曰堅既堅矣而咸可翦刈曰好而無稂莠

稂莠苗既似禾實亦類粟若擇種去其細粒鋤禾除其非類則無復稂莠矣

擇種之善民

力之專時氣之和所致之 孔曰蟲災禾穉者偏甚

王曰田穉再生之稻也去其害苗稼之物而可以養再生之稻

朱曰田祖有神乎則

為我持此四蟲而付之炎火之中使消亡也此禱辭

也蘇曰仁人在上則蟲蝗不作姚崇遣使捕蝗引此

為證夜中設火火邊掘坑且焚且瘞

張曰三代盛時必無蟲蠱天下

之田盡墾何處不種縱或有乏亦人衆覺察必豫早能去其害雖有山林陂澤亦人以時出入豬停水陂不得生也且不論盛時故災害不作直人謀足以勝之蠛蠓之類其去易于蝗又況古人除田害亦易得人只於采芑使三千乘要以百井之民除一井之民患計之為不難

有渰

於檢反

萋萋興雨祁祁雨

于付反

我公田遂及我私彼

有不穫

戶郭反

穧此有不斂穧

才計反

彼有遺秉此有滯穗

遂伊寡婦之利

毛曰滄雲興貌

劉曰天將降雨則地氣上騰蒸為濕潤滄浸萬物

萋萋雲行

貌祁祁徐也

孟子曰方里而井井九百畝其中為

公田八家皆私百畝同養公田詩曰雨我公田遂及

我私惟助為有公田

孔曰穡者禾之鋪而未束者

秉刈禾之把也

又曰聘禮云四秉管注云此秉謂刈禾盈手之秉管穡名也若今萊易之

間刈稻聚把有名為管者掌客注云米束之秉管字同數異禾之秉手把耳管謂一穡然則禾之秉一把

耳米之秉十六斛禾之管四把耳米之管則五升 滯穗滯漏之禾穗也

鄭

曰古者陰陽和風雨時其來祁祁然而不暴疾

王曰雲欲

盛盛則多雨雨其民之心先公後私今天正雨於公

田因及私田耳此言民怙君德蒙其餘惠

朱曰冀怙君德而蒙

其福耳書所謂一人有慶兆民賴之也孔曰民見雲行雨降歸之于君曰此雨本為雨我公田耳因及

我之私也

百穀齊熟收刈促遽力皆不足而有不獲不

斂遺秉滯穗故聽寡婦取之以為利

劉曰穉謂穗之低小刈穫之所

不及者穉謂刈而遺忘束縛之所不及者秉謂束而輦載之所不盡者滯謂成而折亂秉穫之所不通者

皆緣豐稔

朱曰此見其豐成有餘而不盡取又與矜寡遺利

共之蓋既足為不費之惠而亦不棄於地也不然則粒米狼戾不殆於輕視天物而慢棄之乎

曾孫來止以其婦子饁彼南畝田畯至喜來方禋祀以其騂黑與其黍稷以享以祀以介景福

國語內史過曰精意以享禋也鄭曰騂用騂牲也

黑用黝牲也

孔曰周禮牧人云陽祀用騂牲陰祀用黝牲陽祀南郊及宗廟陰祀北郊及社

稷毛分騂黑為二牲鄭以騂黑為二色故引牧人騂黝以明騂黑為別方之牲非為四方之祭在陽祀陰祀之中也劉曰王以其西成乃出郊省民之斂也曹曰上四句已

見於甫田矣甫田所言省耕時也大田所言省斂時也

孔曰時耕者皆以其婦

之與子同饁彼農人於南畝之中田畯之官至喜樂

其勤故得成獲

王曰喜其
趨獲事也

陳曰王所來之方致其禮

祀以為報

董曰康成以來方為四方不知來方禮祀
則以其所至之方而禮祀也 東萊曰來

南方則用騂牲來北方則用黑牲獨舉騂黑者孔氏
所謂畧舉二方以為韻句是也 李曰大宗伯皆有

牲幣各放
其器之色

孔曰其牲或赤或黑與其黍稷之粢盛以

獻以祀神饗之而報以大福

劉曰王者所出山川原
隰之有神護民之稼穡

者靡不祭之示愛其民而為之祈福也
朱曰以介景福農夫欲曾孫之受福也

大田四章二章章八句二章章九句

瞻彼洛矣刺幽王也思古明王能爵命諸侯賞善罰惡

焉

瞻彼洛矣維水泱泱

於良反

君子至止福祿如茨韎韐

音韐

音閭有奭以作六師

毛曰興也

王曰洛水東都之所在也

東萊曰職

方氏河西曰雍州其浸渭洛故毛傳以洛為宗周之

浸水洛水雖出於京兆上洛西山然其流尚微此詩

所謂洛蓋指東都也

毛曰泱泱深廣貌

孔曰君

子諸侯也

鄭曰茨屋蓋也如屋蓋喻多也

毛曰

黼黻者茅蒐染草也一曰黼黻所以代鞞也

鄭曰黼黻者茅

蒐染也茅蒐黼黻聲也孔曰黼黻是蔽膝之衣合韋為之駁異義云黼草名齊魯之間言黼黻聲如茅蒐

陳留人謂之蒨朱曰黼茅蒐所染色也黻鞞也

天子六軍

孔曰黼赤貌

王曰瞻彼洛矣而思古之明王見其地而不見其

人也先王會諸侯於東都於是爵命諸侯君子至止

福祿如茨者言能爵命之厚也黼黻有奭以作六師

者使服黼韋之鞞而作六師也周官凡有兵事韋弁

服先儒以為左傳所謂黼韋之跗注是也

朱曰言諸侯至此洛

水之上受罷錫之厚而又帥天子之六師以討有罪也陳曰諸侯來朝天子適有征伐之事故寵之以卿佐之任曹曰其用命而至者獲爵秩之福賞賜之祿如茨之厚其違命而不至者或黜爵或削地甚則六師移之黜貽戎服也將帥服之以行天子之六師

瞻彼洛矣維水泱泱君子至止

補頂反

韡有珌宿一君

予萬年保其家室

毛曰韡容刀韡也琫上飾珌下飾

孔曰韡今刀鞘也容者容飾珌琫即

容飾也天子玉琫而珌珌諸侯璜琫而璆璆大夫鐻璆

琫而鐻

力幽反

琫士琫

力計反

琫而琫珌

孔曰珌似琫說文曰珌蜃甲也

爾雅曰黃金謂之璽其美者謂之鍔鍔即紫磨金也
白金美者謂之錄瑒蜃屬而不及於蜃用其甲以飾
物董曰此本出于三朝禮故許慎以此證書

王曰鞞琫有珌者言既爵命

又其賜子備物如此

曹曰此其加賜之備物也

劉曰天子尊賢樂

善非徒爵命之於一時又將延永逮其子孫俾克安
於封土焉

瞻彼洛矣維水泱泱君子至止福祿既同君子萬年保

其家邦

朱曰同猶聚也

丘曰同猶俱也謂俱聚於諸侯之身與諸侯共之

丘曰家邦

猶家室也

曹曰同均也一章賞罰兼用既而賞當賢則臣下勸罰當罪則姦邪止故一章有賞

而無罰至三章則天下諸侯皆知勸而為善則均受其福祿而已

瞻彼洛矣三章章六句

裳裳者華刺幽王也古之仕者世祿小人在位則讒諂並進棄賢者之類絕功臣之世焉

孔曰古者有世祿復有世位世祿者直食其先人之

祿而不居其位子若復賢則居父位矣

曹曰蔡丘之盟士無世官

禮稱大夫不世爵春秋譏世卿自卿大夫至士皆不可世所可世者祿而已葉曰古者有世臣無世官

如所謂象賢世美自一世之選如伊尹之後有伊陟
巫咸之後有巫賢太公之後有呂伋到得春秋之時
世臣之說遂變而為世官是以三家世為魯卿六卿
世將晉軍田氏專齊甯氏專衛蓋自春秋以來所以
治世官者甚嚴然而當時也緣一二私家專擅國政
故使舊族世官淪落殆盡當時大臣已病之如叔向
說晉欒卻胥原狐續慶伯降在阜隸七姓從王後皆
為華門圭竇如此類世臣自淪落也緣當時人見世
臣之禍故盡用一時傾巧新進之人亦世變至此看
六國時士大夫無復有扶持國家之意者用他國之
人以為相如秦使張儀相楚齊使孟嘗相秦國不自
信其臣至求他國之人而相之當時世臣貴戚一至
于此匹夫徒步便可以傾其位范雎蔡澤之徒以徒
步攘臂取丞相之尊於時益無復有世官之臣也

朱曰此詩四章皆美賢者之類功臣之世德譽文章

威儀之盛似其先人以見不可廢絕之意蓋周之先王於國之子弟盡其教養之方故其成就若此雖更幽厲之衰而不亡也 陳曰小人在位欲引進其私人故不使賢者之後復居其位而棄絕之

裳裳者華其葉湑

思叙反

兮我覲之子我心寫兮我心寫

兮是以有譽處兮

毛曰興也裳裳猶堂堂也湑盛也 鄭曰覲見也

劉曰之子謂賢者功臣之子孫也 丘曰寫喜而舒

寫也譽處美名可保也 陳曰華葉上下相承而俱

茂以興賢者前後相繼而榮顯也

蘇曰譬如堂堂之華而附以潏然之

葉 曹曰葉之茂盛者以其根本深固也根本則賢者功臣之譬也華葉則其世類之譬也

朱曰

夫能使見者悅慕如此則其有譽處宜矣

裳裳者華芸其黃矣我觀之子維其有章矣維其有章矣是以有慶矣

毛曰芸黃盛也 蘇曰黃色之上也有章有文也其

文粲然如華之盛也

曹曰毛公釋芸之華芸其黃矣以為苕華將落則黃鄭氏釋何

草不黃以為草歲晚則黃至于裳裳者華芸其黃矣獨以為芸黃盛也義恐未安按老子曰夫物芸芸各歸其根則芸者遷逝不停之意也華之穠厚俄芸然而黃則衰瘁之時也此言賢者功臣之子孫不見收恤俄而衰瘁矣幸而見焉必當賜命服以尊顯之庶彼獲其慶賴也章書所謂五服五章也段曰上章言華裳裳而葉渥以見賢者之類之盛也受爵受服之事在其中矣故但言見此人則我心傾寫而喜也此章及後章始及章服車馬之事以衰瘁故也言黃及白皆衰瘁之象也此蓋我心之所願欲而未能者

朱曰有文章斯有福慶矣

裳裳者華或黃或白我覲之子乘其四駱

音洛

乘其四駱

六轡沃若

丘曰言白者韻便也

曹曰或黃則既衰矣或白則尚有餘芳焉

白馬黑鬣

曰駱 朱曰言其車馬威儀之盛

曹曰凡仕者一命而受爵再命而受

服三命而受車馬前章言章服此章言車馬欲其賜之備物也

左之左之君子宜之右之右之君子有之維其有之是以似之

鄭曰君子斥其先人也 朱曰言其先世之君子才

全德備以左之則無所不宜以右之則無所不有是

以其子孫肖似之而如此也

曹曰似之猶云象賢也

裳裳者華四章章六句

桑扈

音戶

刺幽王也君臣上下動無禮文焉

劉曰君臣以言其朝廷也上下以言其風俗也朝廷風俗之禮而謂之文者尊卑異位也親疎異情也長幼異序也內外異宜也往來異守也動而相交合而相紀莫不成文而中於義理序其品則曰人倫也序其義則曰禮文也朝廷所以綱天下之風俗不可以一日無之也 呂曰桑扈之詩作則君臣肆其心易

其事矣

交交桑扈有鶯其羽君子樂胥受天之祜

毛曰興也

鄭曰交交往來貌桑扈竊脂也

李曰桑扈有二

種爾雅曰桑扈竊脂鳩鵲割葦此一種也桑扈竊脂棘扈竊丹此一種也對割葦言之則竊脂者竊其肉也對竊丹言之則竊脂者竊其色也爾雅有竊毛皆謂淺色淺色淺白也交交桑扈有鶯其羽者正以其色之竊脂者言之此則陸農師之說也

毛曰鶯然有文章

蘇曰胥辭

也

毛曰胥皆也

鄭曰祜福也竊脂飛而往來有文章人觀

視而愛之喻君臣以禮法威儀升降於朝廷則天下

亦觀視而仰樂之 蘇曰幽王直情而恣行無復以

禮文法度思古之君子樂循禮義以受天福

毛又曰以其有

文粲然以相接君臣所以相樂也

交交桑扈有鶯其領君子樂胥萬邦之屏

罪郢反

毛曰領頸也

劉曰領所以首出于身者欲有作為未動其羽而先奮其領文采四張鶯然可

愛屏蔽也

王曰屏之為物禦外以蔽內也

蘇曰樂循禮義則足以屏

萬邦矣

曹曰屏塞門所以蔽外者也魯秉周禮而晉不敢圖何屏如之

之屏之翰百辟為憲不戢

莊立反

不難受福不那

毛曰翰榦也

孔曰釋詁云榦翰榦也舍人曰榦正也築牆所立兩木也榦所以當牆兩邊障

土者

憲法也

鄭曰辟君也戢斂也

毛曰不戢戢

也不難難也那多也不多多也

蘇曰王者屏翰四

方而為諸侯法

曹曰禮非獨為屏又且為翰也翰則垣屏之所恃以立也君臣率禮于上

諸侯儀刑于下君臣上下之交如此也

苟不以禮自戢難而求肆情焉

則亦不足以受多福矣

王曰戢則不肆難則不易肆則放逸易則傲慢動不以禮

非所以受福故戢而

難然後受福多也

兕觥其觶旨酒思柔彼交匪敖

反五報

萬福來求

鄭曰兕觥罰爵也 朱曰觥角上曲貌頌作琖春秋

穀梁傳作斛與此字同

穀梁注曰斛球然角貌董曰字書作兕觥其斛說文

曰兕觥可以為飲者也後世作觥誤也許慎說文作兕觥其斛斛角貌

旨美也思語辭

也 蘇曰旨酒之和柔而兕觥之設所以常自戢難

也

鄭曰其罰爵徒觥然陳設而已不用者以其旨酒而思柔之和也

李曰所以設而東萊曰兕觥

如卷耳壘觥並陳則不必指為罰爵也如此詩則指為罰爵彼指古人

朱曰交際之間

無所傲慢則無事於求福而福反求之矣 李曰以

湛露觀之則知桑扈之思古以賓之初筵觀之則知

桑扈之傷今

桑扈四章章四句

鴛鴦刺幽王也思古明王交于萬物有道自奉養有節
焉

東萊曰自楚茨至鴛鴦八篇皆陳古以刺今也 孔
曰幽王殘害萬物奉養過度是以思古明王

鴛鴦于飛畢之羅之君子萬年福祿宜之

毛曰興也

鄭曰此交萬物之實也而言興者廣其義也獮祭魚而後漁豺祭獸而後田此亦皆

其料縱散時也

孔

鴛鴦匹鳥

鄭曰匹鳥言其止則相耦飛則為雙性馴

耦也

孔曰月令云羅罔畢翳注罔小而柄長謂之畢釋

器云鳥罟謂之羅畢羅異器 鄭曰君子謂明王也

毛曰太平之時交于萬物有道取之以時於其飛

乃畢掩而羅之

孔曰小者未能飛待其能飛而後取之羅則張以待鳥畢則執以掩物故

言畢掩

王曰

於其飛然後畢之羅之則不取其卵

弋不射宿故也

曹曰鴛鴦匹鳥也其飛止必以其

偶於其止而取之則無遺者於其飛而加畢羅庶幾其一脫焉

鄭曰交於萬物其德

如是則宜壽考受福祿也

劉曰先王之制禽蟲之微如鴛鴦者凡民取之亦有

禁令不可常取也必遂其生育種類煦養既就然後
于飛于飛之時乃可手舉以網之張羅以待之也苟
非禮樂刑政之治于其民而中和決于風俗則仁民
恤物之道其能及於是耶是以舟車所至人力所通
天之所覆地之所載日月所照霜露所降凡有血氣
者莫不尊親故曰配天以言萬物之戴乎其德與天
無二也君子萬年福祿宜之者謂
貴為天子富有四海人以為宜也

鴛鴦在梁戢其左翼君子萬年宜其遐福

鄭曰梁石絕水之梁戢斂也遐遠也遠猶久也鴛鴦

休息於梁明王之時人不驚駭斂其左翼以右翼掩

之自若無恐懼

孔曰斂其左翼以右翼掩之舉其雄者而言耳
張曰禽鳥並棲一正一

倒戢其左翼以相依于內舒其右翼以防患于外蓋
左不用而右便故也 曹曰戢其左翼則雄者方安
其匹也寧忍加畢羅哉 劉曰戢翼
在梁人無害禽之心禽亦不疑于人 蘇曰惟俟其飛

而後取故其在梁者戢翼而安 東萊曰此詩獨以

鴛鴦為興者詩人偶見人之掩捕適有所感耳梁橋

梁魚梁皆是不必專以為石絕水之梁也

乘

繩證反

馬在廐

音推反

之秣

音末

之君子萬年福祿艾

之

毛曰摧莖也

鄭曰摧今莖字也釋文曰摧莖也

秣粟也

釋文曰秣殺馬也

艾

養也 鄭曰古者明王所乘之馬繫於廐無事則委

之以莖有事乃予之以穀

蘇曰將用其力則加之以秣也

愛國用也

劉曰王所乘之馬猶或節儉如此其他服用從可推矣

奉養之節如此故宜久

為福祿所養也

蘇曰父老也言以福祿終其身也

乘馬在廐秣之權之君子萬年福祿綏之

鄭曰綏安也

駕鸞四章章四句

頌

缺婢反

弁諸公刺幽王也暴戾無親不能宴樂同姓親

睦九族孤危將亡故作是詩也

曹曰諸公王之同姓也義親而爵尊有與國存亡之道作詩雖有所主而其情則同故以諸公目之

有頍者弁實維伊何爾酒既旨爾殽既嘉豈伊異人兄

弟匪他薦

音鳥

與女蘿

力多反

施

以政反

于松柏未見君子憂

心奕奕既見君子庶幾說懌

音亦

毛曰興也頍弁貌

說文曰頍舉首貌項而結之也

禮緇布冠有頍凡冠

無筭者着頍圍髮際結項中隅四綴弁當有筭而又頍者亦以為之固歟

弁皮弁也

孔曰弁者

冠之大名稱弁者多矣但爵弁則士之祭服韋弁則服以即戎冠弁則服以從禽非常服也惟皮弁則上下通服之故知皮弁也

鄭曰實猶是也旨嘉咎美也 毛曰蔦

寄生也

陸疏云蔦一名寄生葉似當盧子如覆盆子亦黑甜美

女蘿兔絲松蘿

也

孔曰釋草云唐蒙女蘿女蘿兔絲毛意以兔絲為松蘿故言松蘿也陸疏云今兔絲蔓連草上黃赤

如金今合藥兔絲子是也非松蘿松蘿自蔓松上生枝正青與兔絲殊異 釋文曰在草曰兔絲在木曰

松蘿

鄭曰君子斥幽王也

毛曰奕奕然無所薄也

孔曰

憂則心遊不定

鄭曰言幽王服是皮弁之冠是維何為乎言

其宜以宴而弗為也禮天子諸侯朝服以宴天子皮

弁以日視朝

孔曰燕禮者諸侯燕臣子之禮其經云燕朝服諸侯用朝服燕則知天子亦自

以朝服燕也

曹曰五冕皆祭服也其次則有弁故

弁為冠之大名以士冠禮考之其陳服於房也爵弁

皮弁玄端及其加也先加玄端次加皮弁後加爵弁

三加而後成人之道備矣士之爵弁服之以祭皮弁

服之以朝其在王者常朝則服皮弁而燕同姓亦服

之所謂皮弁者以白鹿皮為冠其衣十五升布其裳

素積王者服之以朝則正君臣之義雖諸父諸兄必

北面而就臣列服之以燕則惇骨肉之恩雖兄弟甥

舅猶緣親女酒已美矣女殽已美矣何以不用與族

而等慈惠

人燕也

王曰無以為禮君子弗非也有以言王當所

與燕者豈有異人踈遠者乎皆兄弟至親 朱曰非

他人也

孔曰薦與女蘿依於松柏

朱曰以比兄弟親戚纏綿依附

之意

王曰萬物之性固然而況于人乎

松柏存而茂松柏殞而亡是存

亡在松柏

蘇曰兄弟之於王譬如薦與女蘿之託

於松柏耳不見則憂見則庶幾王樂之王柰何獨不

顧哉

有頍者弁實維何期爾酒既旨爾殽既時豈伊異人兄

弟且來薦與女蘿施于松上未見君子憂心忉忉

反兵命

既見君子庶幾有臧

鄭曰何期猶伊何也期辭也 楊曰爾殽既時君子
之食惟其時物如春則食麥與羊之類是也 王曰
今適不來尚當速之使來而不能以恩接之 毛曰
怲怲憂盛滿也臧善也

有頍者弁實維在首爾酒既旨爾殽既阜豈伊異人兄
弟甥舅如彼雨雪先集維霰蘇薦反 死喪無日無幾居豈反
相見樂酒今夕君子維宴

鄭曰阜猶多也 劉曰甥舅謂母姑姊妹妻族也

鄭曰將大雨雪始必微溫雪自上下遇溫氣而搏謂

之霰久而寒勝則大雪矣

孔曰大戴禮曾子云陽之專氣為霰陰之專氣為電

盛陽之氣在雨水則溫暖為陰氣薄而脅之不相入則搏為電也盛陰之氣在雨水則凝滯而為雪陽氣薄而脅之不相入則消散而下因水而為霰是霰由陽氣所薄而為之也王曰有頃者弁

實維在首則言弁在首而不知用禮以稱之則刺之

甚矣 陳曰霰雨雪之兆王踈兄弟甥舅亡之兆也

歐陽曰國將亡必先離其九族 朱曰言霰集則將雪之候以比老至則將死之候也故卒章言死喪無

日無幾相見矣但當樂飲以盡今夕之歡篤親親之義也段曰古人勸人燕樂多為此言逝者其亡他

人是保之類且漢魏以來樂府猶多如此如少壯幾時人生幾何之類是也

蘇曰君子以

是知死之無日相見之無幾無所復賴而相告曰苟

今夕有酒也君子維以相宴而已不知其他矣

王曰言今

夕則不謀來夕之存否

頌弁三章章十二句

車牽

胡轄反

大夫刺幽王也褒姒嫉妬無道並進讒巧敗

國德澤不加於民周人思得賢女以配君子故作是詩也

董曰叔孫婁聘于宋宋公享昭子賦新宮昭子賦車

轄考其時將為季孫迎宋公女

間闕車之牽兮思變力充反季女逝兮匪飢匪渴德音來

括音活雖無好呼報反友式燕且喜

毛曰興也間闕設牽也

孔曰牽無事則脫行乃設之朱曰間闕設牽聲也董

曰按說文牽韉也故謂之闕又曰牽車聲也車韉而行則有聲故古人以間闕為聲又為驅馳其說本此

釋文曰牽車軸頭鐵也

李曰昏禮親迎者乘也

毛曰變美貌

鄭曰逝往也

毛曰括會也

鄭曰式用也燕飲也

丘曰昏君之心維婦人是從故思得盛德美色之女

往迎之以配幽王也 朱曰匪飢也匪渴也望其德

音來會而心如飢渴耳 孔曰凡人之燕飲喜樂須

賢友共之疾癘如之甚思賢女之切若迎得此女雖

無朋友亦將獨喜也

曹曰雖無好友尚有賢妃之助不猶愈乎

依彼平林有集維鷦音驕辰彼碩女令德來教式燕且譽

好

呼報反

爾無射

音亦

毛曰依茂木貌平林林木之在平地者也鷦雉也

孔曰

說文曰鵠長尾雉陸疏曰鵠微小于翟也走而且鳴
曰鵠鵠其尾長肉甚美故語曰四足之美有庶兩足
之美有鵠辰時也 孔曰碩大也 丘曰爾碩女也 鄭

曰射厭也 丘曰茂盛之林集者維雉興王宮之貴
宜有碩女居之 朱曰以令德來配君子而教誨之
是以式燕且譽而悅慕之無厭也

雖無旨酒式飲庶幾雖無嘉穀式食庶幾雖無德與女
式歌且舞

朱曰旨嘉皆美也言得賢女以配君子則其喜如此

雖無旨酒嘉穀美德以及賓客然飲食歌舞有所不

能自己

曹曰季女之德音碩女之令德亦人之所願也而不可必得雖無此德以與女苟非寢如

之無道尚可以歌舞而樂之蓋深惡寢如之辭也飢者易為食渴者易為飲其在斯時乎

王曰樂

賢女如此則厭惡寢如甚矣

陟彼高岡析

星厯反

其柞

子洛反

薪析其柞薪其葉湑

思叙反

兮鮮我覯爾我心寫兮

鄭曰陟登也

孔曰析伐其柞木以為薪其葉湑湑

然茂盛

丘曰柞葉最盛

鄭曰鮮善也覯見也

陳曰析薪者

以興昏姻

曹曰詩人常以婚娶比析薪欲析薪者必之高岡欲娶妻者必求大國高岡之柞必

偉大國之女多賢寢如者異類之妖孽匪由聘娶遂以亂國故詩人之託意如此

善乎我之

得見爾賢女則心輸寫而無所憂矣

高山仰止景行

下孟反

行止四牡騤騤六轡如琴覲爾新

昏以慰我心

毛曰景大也

朱曰景行大道也

記曰小雅曰高山仰止景行行止子

曰詩之好仁如此鄉道而行中道而廢忘身之老也不知年數之不足也俛焉日有孳孳斃而後已

孔曰四牡之馬騤騤行而不息六轡緩急調和如琴

瑟之相應 歐陽曰高山仰止景行行止者勉其不

已之辭也以謂賢雖難得求之不已將有得也段曰

之可行亦猶高山之可仰也其為人所
嗟慕如此故我欲具此車馬以聘之

車牽五章章六句

青蠅餘仍反大夫刺幽王也

營營青蠅止于樊音煩豈弟君子無信讒言

毛曰營營往來貌歐陽曰營營然往來之飛聲樊藩也孔曰孫炎云樊圃之

藩鄭曰豈弟樂易也 孔曰君子謂王者也 鄭曰

蠅之為蟲汙白使黑汙黑使白喻佞人變亂善惡也

前漢昌邑王傳云王夢青蠅之矢積西階東可五六石以問郎中令龔遂曰詩不云乎營營青蠅止于藩豈弟君子無信讒言陛下左側讒人衆多如是青蠅惡矣注惡即矢也 劉曰蛆蟲所變而成者青蠅也其飛之聲則營營然亂人之聽其止于物則穢敗之又從而生蛆復變為蠅其穢敗于物無有紀極也陳曰青蠅穢不潔之物驅之使去而復還以比小人態狀可惡而又難遠 程曰讒人之情

常欲汙白以為黑而其言不可以直達故必營營往來 孔曰讒人為害如此樂易君子無得信受之

東萊曰營營青蠅止于樊行且至于几席盤杆之間

矣蓋憂之也 陳曰讒言多由持心傾險而後入故
君子當持心樂易不聽讒

營營青蠅止于棘讒人罔極交亂四國

丘曰棘謂植棘為藩也

孔曰棘榛即為藩之物

鄭曰極猶已也

李曰四國四方也 前漢注曰樂易之君子不當

信讒人若讒言無極則四國亦以交亂宜深察也

營營青蠅止于榛

土中反

讒人罔極構

古豆反

我二人

毛曰榛所以為藩也 鄭曰構合也合猶交亂也

朱曰己與聽者為二人 孔曰謂見讒之人與人君也 李曰當是時小人得志凡賢者無不被讒笑而獨曰構我二人者蓋主見讒者而言也

青蠅三章章四句

賓之初筵衛武公刺時也幽王荒廢

媿列反

近小人飲

酒無度天下化之君臣上下沈湎

莫衍反

淫液音赤武公既

入而作是詩也

孔曰酒誥注云齊色曰湎沈湎者飲酒過久若沈沒

然使酒然俱醉顏色齊同也 鄭曰淫液者飲態也
武公入者入為王卿士也 孔曰樂記說樂之遲云
咏嘆之淫液之則淫液遲久之意也 後漢孔融傳
注韓詩曰賓之初筵衛武公飲酒悔過也 歐陽曰
詩人之作常陳古以刺今此詩五章其前二章陳古
如彼其後三章刺時如此

賓之初筵左右秩秩

直乙反

籩豆有楚殽

戶交反

核

戶革反

維

旅酒既和旨飲酒孔偕鐘鼓既設舉醕

市由反

逸逸大侯

既抗苦浪反弓矢斯張射夫既同獻爾發功發彼有的以

祈爾爵

鄭曰筵席也初即席也

孔曰司几筵注云鋪陳曰筵藉之曰席

丘曰左

右謂據筵上左右之人

毛曰秩秩然肅敬也

蘇曰秩秩

有序也

楚列貌穀豆實也

鄭曰豆實菹醢也是總名此文穀核與蓮豆相

孔曰穀

對故分之耳其實核亦為穀魏風曰園有桃其實之穀是在蓮之物亦為穀也

鄭曰核蓮實

桃梅之屬

孔曰桃梅有核之物蓮人云饋食之蓮其實栗栗乾蓀蓀乃是乾梅也內則有桃諸

梅諸謂乾者也

毛曰旅陳也

鄭曰和旨猶調美也孔甚也

偕齊一也 曹曰鐘鼓非特以為燕亦所以為射節

也

曹曰樂人宿懸于阼階東其南笙鐘其南鐃建鼓在阼階西西階之西其南鐘其南鐃一建鼓在南

一建鼓在西階之東此設鐘鼓之法也

樂書曰周

官樂師燕射帥射夫以弓矢舞眡瞭掌凡樂事賓射

皆奏其鐘鼓笙師凡饗射共其鐘笙之樂鐃師凡祭

祀鼓其鼗奏之樂饗食賓射亦如之典庸器及祭祀

帥其屬而設筭簋饗食賓射亦如之由此觀之射有

五一日大射二曰燕射三曰饗射四曰賓射五曰鄉

射其射雖不同至于循聲

而發以鐘鼓為節一也

鄭曰鐘鼓於是言既設者

將射改縣也

孔曰天子官縣階間妨射位故改縣以避射也鄉射禮將射乃云樂正命弟子

贊工遷樂于下琴瑟之樂尚遷之明鐘鼓之縣改之

矣大射不言改縣者諸侯與臣行禮畧三面而已不

具軒縣東西縣在兩階之外兩階之間有二建鼓耳
東近東階西近西階又無鐘磬不足以妨射不須改
也

朱曰舉壽舉所奠之壽爵

又曰按儀禮主人酌賓
曰獻賓既酢主人主人

又自飲而酌賓曰壽賓受之奠于席前而不舉至旅而遂舉所奠之爵交錯以徧也

毛曰逸逸

往來次序也大侯君侯也

鄭曰天子諸侯之射皆張
三侯故君侯謂之大侯

孔曰鄭以此為大射故云張三侯射人云王大射張
三侯司裘云王大射則共虎侯熊侯豹侯設其鵠是
天子之射張三侯也大射巾車張三侯是諸侯之射
張三侯也司裘又曰諸侯則共熊侯豹侯不三侯者
注云諸侯謂三公及王子弟封于畿內者是內諸侯
屈于天子故二侯也若燕射則天子諸侯皆張一侯
而已燕射之禮曰天子至士皆一侯上下共射之梓
人云張獸侯則王以息燕是燕射惟射獸侯故鄉射

記云天子熊侯白質諸侯麋侯赤質大夫布侯畫以虎豹士布侯畫以鹿豕注云此所謂獸侯也燕射則張之白質赤質者皆謂采其地不采者白布也熊麋虎豹鹿豕皆正面畫其頭象于正鵠之處凡畫者丹質賓射燕射之侯其中三分居一畫獸于外則丹地畫以雲氣凡侯道每弓二十以為射侯之中抗

舉也

孔曰按大射前期三日司馬命量人巾車張三侯射人云若王大射則以狸步張三侯則天子

亦前射三日其侯射人張之矣此舉醵之下始言大侯既抗者鄉射之初雖言張侯而以事未至經云不繫左下綱中掩束之至于將射以司正為司馬乃云司馬命張侯弟子脫束遂繫左下綱是將射始張之下綱與鄉射同雖不言將射命張侯遂繫左下綱亦可互見也鄭氏偶忘互相備之例遂以為舉鵠而棲之于侯殊不知舉二尺之鵠安得謂之大侯既抗乎

鄭曰大侯張而弓矢亦張節也 朱曰射夫既同比

其耦也

孔曰大司馬職云若大射則合諸侯之六耦射人說賓射之禮云王以六耦則天子大射

賓射皆六耦也

鄉射禮司射比三耦于堂西命上射曰某御于子命下射曰子與某子射注云比選次

其才相近者也

鄭曰獻猶奏也各奏其發矢中的之功 毛

曰的質也

孔曰毛于射侯之事正鵠不明惟猗嗟傳云二尺曰正周禮鄭衆馬融注皆云十尺

為侯鄭以周禮上下驗之以為大射之侯其中則制度為鵠賓射之侯其中采畫為正正大如鵠皆居侯中三分之一其燕射則侯中畫為獸形其中射處皆二尺射義云循聲而發發而不失正鵠者其惟賢者乎詩云發彼有的以祈爾爵則以的為正鵠也司裘注說皮侯之狀云以虎豹熊麋之皮飾其側又方制

之以為質謂之鵠是鄭意以侯中所射之處為質也
程曰賈公彥循鄭此說謂還以熊虎等皮為鵠于
其上其說恐未然也射之設鵠以為的也若以熊虎
等皮為侯又以熊虎等皮為的則侯與鵠兩無別異
恐不如此鄭氏又自覺不安又從而為之說曰鵠小
鳥難中是以中之為雋其義近之而不敢自主何也
鵠之為物飛揚迅駛射之難中故古人言射中者往
往及之孟子曰一心以為有鴻鵠將至思援弓繳而
射之漢帝曰鴻鵠高飛一舉千里羽翼已就橫絕四
海雖有矰繳尚安所施又梓人張皮侯而棲鵠其在
皮侯則曰張在鵠則曰棲是鵠祈求也 朱曰爵射
非方制其皮而真為鵠形審矣

不中者飲豐上之觶也射者與其耦拾發發矢之時
各心競云我以此求爵女也 蘇曰先王將祭必大

射以擇士將射必先行燕禮

鄭曰將祭而射謂之大射下章言燕衍烈祖其

非祭饌

王曰先王將祭擇士豫焉其行同能耦無以別也則使射以擇之

曹曰射必有禮樂所以觀

德也天子將有郊廟之事與其來朝及畿內諸侯洎王之子弟卿大夫士若諸侯所貢士先行大射禮于

以選擇其人必容節比於禮樂而中多者乃得與于祭然射不可以徒行也又先燕以合之射義曰諸侯

之射必先行燕禮由諸侯以推天子亦當然耳樂書曰周衰禮廢尚主皮之射而不知有禮樂天子之

制無用其所存者特諸侯既安賓然後改縣以避射

孔曰既旅之後

行燕至安賓之既旅然後張侯及弓止飲而行射事君之所射大侯既舉而張之比其射夫而耦之既耦其衆射之弓矢于斯亦張

然後拾發

孔曰大射禮上射既發挾矢而後下射射拾發以將乘矢拾更也將行也四矢謂之

乘言射者更代發以行此四矢也

求勝以爵其不勝

曹曰其禮勝者之子弟洗解酌

散奠于豐上勝者皆袒決遂執張弓先升堂不勝者皆襲脫決拾卻左手右手加弛弓其上升堂北面坐取豐上之觶卒之而先降王曰射有旌以詔之有鼓以節之有扑以戒之定其位則有物課其功則有

算

禮記射義曰發彼有的以祈爾爵祈求也求

中以辭爵也酒者所以養病也求中以辭養也

戴曰射不

中而飲者非以為罰爵也是乃所以養之也發的以求辭爵者非懼罰也謙遜卑下不敢當人之養也此

所謂其爭也君子

簫舞笙鼓樂既和奏烝衍

苦旦反

烈祖以洽百禮百禮既

至有壬有林錫爾純嘏子孫其湛

答南反

其湛曰樂各奏

爾能賓載手仇

音求

室人入又酌彼康爵以秦爾時

鄭曰簫管也

毛曰秉簫而舞與笙鼓相應也

劉曰簫舞

文舞也千舞武舞也言文則武見矣言笙鼓則八音舉矣曹曰大射禮主人獻工畢乃管新宮三終則

有笙矣而無簫舞則簫舞笙鼓者祭時樂耳既射以擇士矣于是乎乃祭也

鄭曰烝進也

衍樂也

王曰烈業也

孔曰有功烈之祖

鄭曰洽合也

孔

曰百禮事神之衆禮也

蘇曰百禮九州諸侯所獻以助祭者所謂庭實旅百也

晉士大也

丘曰林衆也

鄭曰壬任也謂卿大夫也林諸侯也

朱曰

錫神錫之也

鄭曰純大也

朱曰嘏福也

鄭曰嘏謂尸與

主人以福

鄭曰湛樂也

蘇曰載則也

董曰仇匹也所

謂耦也

王曰室人主黨也

蘇曰康安也

毛曰酒所以安

體也

朱曰康讀曰抗記曰崇玷康圭謂玷上之爵

董曰崔靈恩集注以一章

為大射二章為燕射

王曰大射禮為將祭擇士故

也既祭矣於是乎燕燕則又射先王用酒常以祭祀

其飲也常以射射必有禮樂有大禮斯有大樂以和

之有備樂斯有備禮以成之籥舞笙鼓樂既和奏則
所謂有備樂也丞衍烈祖以洽百禮則所謂有備禮也
朱曰百禮禮之備也言其禮之盛大也既錫爾福
及爾子孫皆獲湛樂也王曰其湛曰樂各奏爾能
則於是又射矣賓載手仇室人入又則賓主皆善射
矣賓黨射則手敵主黨入射則又手敵
立曰手敵
對手之耦
曹曰主人既拜湛樂之賜故於其祭終留族人以燕於
是復命樂人改縣於寢俾各奏其所能之技而以異

姓為賓膳夫為主人蓋同姓無相賓主之道故賓必
取膳夫為耦對之行禮然後宗室之人入而又燕也
蓋射嘗燕矣故以此為又燕也手取也仍耦也祭則
在廟燕則在寢故曰入也初擯者之請射也公使司
正命賓及諸卿大夫曰以我安皆對曰諾敢不安及
射畢而燕於是公以賓及卿大夫皆坐乃安說者曰
鄉命以我安臣於其君尚猶踧踖至此始敢安焉蓋
君欲親同姓乃酌以安之 孔曰酌彼安體養病之

爵以飲不中者也

丘曰以其養老養病故曰安爵也

蘇曰以奏爾

時薦之以時物也

賓之初筵溫溫其恭其未醉止威儀反反曰既醉止威

儀幡幡舍其坐遷屢舞僊僊其未醉止威儀抑抑曰既

醉止威儀忼忼

毗必反

是曰既醉不知其秩

毛曰反反重慎也

蘇曰反反顧禮也

幡幡失威儀也

蘇曰幡幡輕數

也遷徙也屢數也

王曰僊僊軒舉之狀

毛曰抑

抑慎密也

孔曰謂慎禮而密靜

忼忼媒娼也

董曰字書以忼為儀毛以為媒娼蓋

溺於儀而不知禮此
宜其以媒嫚終也

董曰秩叙也 孔曰此章陳幽

王燕賓失禮之事賓初升筵尚溫溫然和柔而恭敬

未醉之時威儀猶能反反然重慎至於既醉幡幡然

失威儀

鄭曰賓初即筵之時能自勅戒以禮至于旅酬而小人之態出

舍其本坐遷

嚮他處

劉曰君臣賓主各有定位以象天地日月之各居其所也今則舍其坐而遷其位是君臣

可得而亂也賓主可得而易也

數數起舞僂僂然

劉曰舞之奏各有其時非可以屢也

武公疾之又重言之云其未醉尚守威儀已醉威儀

乃怱怱然而媒嫚是曰既醉不自知其常禮昏亂無

次董曰犯貴朝廷犯齒社
席所謂不知其秩也

賓既醉止載號

胡毛反

載呶

女交反

亂我籩豆屢舞傲傲

起其

反

是曰既醉不知其郵

尤音側弁之俄反五何

屢舞傴僂

多素

既醉而出並受其福醉而不出是謂伐德飲酒孔嘉維

其令儀

毛曰號呶號呼謹呶也

孔曰唱呶也

傲傲舞不能自正也

說文曰醉舞貌王曰傲傲傾側之貌

鄭曰郵過也側傾也俄傾貌

毛曰傴僂不止也

鄭曰出猶去也孔甚令善也

蘇曰此章申言其亂而終誨之也

王曰言人之始末嘗不治終至於亂

歐陽曰刺王之君臣上下飲酒既失威儀又號呶雜

亂籩豆亦無次序至於屢舞 孔曰已醉則不自知

其過矣 劉曰但見側其弁傾然而頽矣 孔曰數

起屢舞傴僂然又不能止 劉曰福謂徹俎歸胙也

上下皆醉受福而歸可也 鄭曰賓醉則出與主人

俱有美譽醉至若此是誅伐其德也

東萊曰燕禮賓醉北面坐取其

薦脯以降秦陔賓所執脯以賜鐘人于門內雷遂出
卿大夫皆出所謂既醉而出也並受其福當取劉執

中鄭康成兩說
觀之其義乃足

朱曰飲酒之所以甚美者以其有令

儀耳今若此則無復有令儀矣

凡此飲酒或醉或否既立之監或佐之史彼醉不臧不

醉反恥式勿從謂無俾大怠匪言勿言匪由勿語

魚據反

由醉之言俾出童羖

古音

三爵不識矧敢多又

毛曰立酒之監佐酒之史

董曰立之監以監之佐之
史以書之古之慎禮如此

監史司正之屬燕禮鄉射恐有懈倦失禮者立司
正以監之察儀法也

東萊曰淳于髡說齊威王曰司

賜酒大王之前執法在傍御史在後秦王趙王會澠
池秦王請趙王鼓瑟秦御史前書曰某年某月日秦

王與趙王會飲趙王鼓瑟簡相如請秦王擊瓠顧名趙御史書之曰某年某月日秦王為趙王擊瓠此古人君燕飲之制猶存于戰國者也或立之監即執法也御射注立司正以監察儀法者也或佐之史即御史也董氏所謂佐式發聲也朱曰謂告也鄭曰史以書之者也

由從也毛曰殺羊不童也

鄭曰殺羊之性牝牡有角

鄭曰三爵

者獻也酬也酢也

孔曰禮有獻酢有旅酬及無筭爵旅與無筭不止三爵而已故知三

爵是獻也酬也酢也又曰禮主人獻賓賓飲而又酢主人主人飲而又酌以酬賓賓則奠之而不舉則賓主皆不飲三爵矣而指獻酬為三爵者言於飲三爵禮之時非謂人飲三爵也

王曰凡此飲

酒則非特幽王之朝而已

孔曰飲酒初時或有醉

者或有不醉者復設法以逼之 鄭曰立監使視之
又助以史使督酒欲令皆醉也 王曰立監史本防
人之失禮儀也不醉者正其禮儀則善也醉者失其
禮儀則不善也今反以醉者為善耻彼不醉者而強
之以酒 孔曰不醉者監與史反恥而罰之是使之
小大盡醉舉坐皆猶狂也 朱曰安得從而告之使
勿至於大急乎告之若曰所不當言者勿言所不當
從者勿語醉而妄言則當罰汝使出童殺矣設言必

無之物以恐之也

孔曰使汝出童首無角之穀羊女有其無然之物欲使之息也

飲至三爵已昏然無所識矣况敢又多飲乎又丁寧以戒之也 曹曰又戒監史見醉者勿從而謂之令毋至於大怠其非所宜言非所宜行皆縱之而勿以告如此則賓主昏迷至用醉人之言使出無有之物矣

賓之初筵五章章十四句

甫田之什十篇三十九章二百九十六句

毛詩集解卷二十一